

DS
754
.7
S5
1738
V. 71

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

University of Toronto
Library
C567/6
ASIAN COLLECTION

硃批諭旨

徐本唐執玉繆沅
蔡嵩黃之雋奏摺

硃批徐本奏摺并親覽對付之至爲此諭附奏

貴州學政臣徐本謹

奏爲黔省慶雲七現

聖世上瑞光昭事雍正七年閏七月二十日據思州府
學教授張克惠訓導廖錦報稱本年七月初八初
九初十十七十八二十二等日府城疊見五色慶
雲散佈天表光彩射日闔府士民男婦老幼無不
額手稱慶理合申報等情到臣又臣面見督撫司
道諸臣僉云黎平協副將趙文英因清理古州八
萬苗疆在梅得寨後山單刀嶺上劄營據報稱於

七月二十五日從未至酉忽見五色祥雲從西南
起光映旌旗璀璨奪目凡在營官弁漢土兵民及
歸順苗衆盡皆踴躍歡呼共稱奇瑞臣伏查慶雲
紀瑞自古爲昭歷稽史冊所載暫者一朝久者復
旦卽屬嘉祥未有一月之中七日疊見如正
今日者也黔地素稱瘴雨蠻煙晴日常少數年以來
風景和明雨暘時若與中土無異今值萬寶告成
之候欣遇五雲呈瑞之奇九霄遞曜七日連輝仰
瞻雲物之昭回羣慶

天心之篤祐臣無任踴躍懽忭之至爲此繕摺奏

聞謹

奏對實具附奏

此係汝等滇黔大吏及官員等減能秉公奉職有以感

動

內賊外風無異匪王米賈日良平越萬民樂業出

上天方能致斯瑞應朕覽奏曷勝嘉悅

貴州學政臣徐本謹

奏為黔省嘉禾徧野年登大有事竊照黔省邇年以

來日暄雨潤年歲順成今歲自春迄秋風雨更為

調順臣巡歷所至凡山田水田高高下下盡皆稔

黍敷華稻梁垂穎懔懔或或畛隰如雲今時值秋

成豐收數倍高粱穗長一尺七八寸有一莖十五穗者其餘一莖八九穗六七穗四五穗者甚多禾穗長七八寸至一尺不等一莖數穗者亦甚多小米穗長至二尺及一尺七八寸不等且有一莖二十七穗者其餘一莖數穗者隨在皆是至於各種雜糧亦皆豐盛繁碩數倍常時卽新附苗疆亦與內地收成無異現在米價日見平減萬民樂業比戶盈寧臣目覩大有之農祥喜共輿情之歡忭謹
奏據實具摺奏

聞謹

奏

從來

天人交感之道實捷如影響也今用爾爲按察使矣當屏
盡科甲陋習一切居心行政竭力效法鄂爾泰勉之
嗣後奏摺或呈交督撫臣附進或差人齎至京都交大
學士張廷玉處轉奏可也

貴州按察使臣徐本謹

奏爲恭謝

天恩事竊臣一介微末叨蒙

皇上特簡視學黔省兩載冰兢涓埃未報茲復荷

殊恩補授貴州按察使伏念廉使爲刑名總滙之官臣
以菲材膺此重任深懼不克負荷聞

命之下感悚交并跪讀

硃批諭旨欽此欽遵惟有盡屏科甲陋習竭力黽勉效

法督臣鄂爾泰之居心行事以仰副我

皇上訓誨策勵之至意所有微臣感激愚忱謹具摺

奏謝伏乞

睿鑒謹

奏

覽奏謝知道了勉之毋怠

江蘇按察使今陞湖北布政使臣徐本謹

奏爲恭謝

天恩事竊臣世受

國恩毫無報稱蒙

皇上屢加拔擢由貴州按察使調補江蘇按察使於到

任視事後見江蘇案件繁多臣才識短淺深懼隕

奉越茲復荷

天恩陞授湖北布政使聞

命之下益深感激倍切悚惶伏念藩司爲財賦出入之

所關承宣乃吏治民生之攸繫臣以菲材膺茲重

任惟有時時敬繹

聖訓盡屏科甲陋習秉公任事實力黽勉以仰報
高厚隆恩於萬一所有微臣感激愚忱理合繕摺

奏謝伏乞

皇上睿鑒謹

奏

覽

能於公私真僞之際審辨明晰體認透徹更加以操存
有定造次不移則何任不勝何事不辦也

湖北布政使臣徐本謹

奏爲陳明交盤錢糧事竊臣荷蒙

皇上天恩陞授湖北布政使於到任後據原任藩司徐

鼎及署司張廷樞各將任內交盤冊籍移交到臣

臣俱逐一查清收受明白造冊具結詳送督臣邁

柱撫臣魏廷珍查核盤庫具

題所有存公耗羨銀兩臣亦查收明白現將歷年支

奏用款項造冊具詳督撫二臣送部查核又查湖北

額徵錢糧共銀一百一十一萬九千五百三十六

兩有零歷查檔案每年

奏銷時各屬固多依限通完者惟武昌府屬之江夏

縣漢陽府屬之孝感縣黃州府屬之黃岡縣安陸
府屬之鍾祥縣及沔陽荊門二州荊州府屬之江
陵縣每歲俱有拖欠於

奏銷之時統計有未完十餘萬者有未完五六萬者
雍正八年分錢糧臣於雍正八年十二月二十六
日到任時查以上各州縣歲內僅完三四五分不
等臣思錢糧輸將遲延不獨關乎

國賦亦且係乎民風隨經嚴檄各州縣將一應未完
錢糧開造花戶的名實欠清冊躬親核明總撒相
符照欠逐戶出示遍曉令民查對欠數清楚寫發

滾單酌量分限行催完卽分別獎賞其抗欠頑梗
之士民侵收包攬之胥役盡法懲創并勒限完納
和世今屆
大奏銷之時沔陽州完至七分荊門州完至八分餘皆
聖貽完至九分以上此時尚有陸續解司者較之往年
漸次清理至於雍正九年錢糧現在照例按分徵
輸以清吏勢引給本藍

國課所有藩庫交代清楚情由理合具摺奏

聞伏乞

皇上睿鑒謹

奏

覽奏知道了民風澆淳最關緊要國賦猶爲次之不可徒恃催比當以曉諭無知化導頑梗爲先

湖北布政使臣徐本謹

奏爲仰承

聖訓恭謝

天恩事雍正九年正月初二日臣進摺家人回楚跪接硃批諭旨能於公私眞僞之際審辨明晰體認透徹更加以操存有定造次不移則何任不勝何事不辦也欽此臣跪讀之下倍深感佩惟有密加省察謹凜

恩請操持隨時隨處體驗力行以仰副

皇上勗勉之至意今年湖北二麥收成自六七分至八

目半九十分不等入夏以後雨水更爲調勻此時早稻

既登場最爲豐稔晚禾滋茂足驗有秋臣謹據實附

谷陳敬將奉到聖旨率領各屬自親巡視實期之

硃批原摺一併恭繳謹心維聖武誠公事官益壽爲督

奏奏對陳隆精誠誠心整頓不肯因循舊習翁本良爲

覽奏俱悉實力勉爲之以期無忝厥職責心辦事今王

湖北布政使臣徐本謹年三月十六日奉

天奏爲恭謝聖恩事五十年三月二十一日蒙大學士

天恩并陳下悃事雍正十年三月二十一日蒙大學士
鄂爾泰等字開雍正十年三月初六日奉

上諭湖北從前巡撫多退縮因循不以實心任事今王
士俊新到諒必振作整頓不肯因仍舊習徐本身爲
藩司當協助撫臣同心辦理方於公事有益若爲習
俗所染仍存觀望草率之念則伊自蹈過愆負朕之
期望矣爾等可傳旨訓諭之欽此遵

旨字寄到臣臣捧讀之下不勝惶悚隨望
闕叩頭謝

恩訖伏念臣世受

國恩毫無報效蒙
皇上教誨成全屢加擢用歷陞湖北藩司臣感激當公
天恩時時儆惕奮勉到任一載有餘凡地方公事靡不
實心向前辦理今撫臣王士俊莅楚方新自應振
作而亟於表見豈能事事合宜臣有通省地方之
寄固不敢偏執已見有意抗違亦不敢逢迎上司
阿意曲從祇緣照糧均丁一案撫臣於摺
奏後將摺稿示臣云此事我已回署與公同商酌示
旨奏了奉
旨與督臣商酌題請特與你看等語臣以事關通省章

程行之已久若欲更張必須細細籌畫現今奉

旨與督臣商酌自應遵

旨俟督臣於湖南看舵桿洲工程回署時公同商酌行

牌到司再加查確議詳及督臣回署偶因抱病未

汝何以

知係

經飭議而撫臣亦無牌行司臣無憑議詳撫臣或

知係

王士俊之奏似此懸揣無憑之言輒敢率意敷陳

殊屬

冒昧不敬之至

今閣臣傳

旨訓諭臣自當益加奮勉協助撫臣同心辦理但地方

庶務繁多惟辦理之是非不拘跡之同異要當公

事公辦詳慎商酌方無貽誤若未公酌合宜因避

不同心之嫌而曲從意指則涉於黨附之私臣罪
滋大是以不敢不將實情縷陳於
君父之前伏祈
皇上聖明鑒察爲此具摺恭謝
天恩并陳下悃謹

奏

果肯公事公辦不阿不黨有何可諭朕之所望也設或
巧詞飾過將來究爲身累奚庸於此時辨析耶

安徽巡撫臣徐本謹

奏恭請

硃批諭旨

皇上萬安

朕安

切戒善柔沽譽爲要巡撫居一省首任非兩司可比諸
凡尤當竭誠力行庶免貽誤若涉因循瞻顧及止求自
潔則虛負朕之倚任矣深慮汝不克勝任勉爲之

安徽巡撫臣徐本謹

奏爲奏明事竊照支放兵糧俱有定限預借預支實
非常法今查安慶城守一營及臣標左右兩營兵
餉向例春季餉銀於歲底營中赴江寧藩庫具領
到皖貯於安慶府庫按月支領後乃於十二月內

預給正月一箇月餉銀以爲兵丁度歲之需行之
既久遂至兵丁不知撙節竟將歲底領回之來春
全季餉銀不貯府庫於十二月內全行借支任意
花消未及次年二月囊橐空虛又思春借夏餉夏
借秋糧日見拮据或借支不到則舉室嗷嗷馬匹
疲瘦甚至將器械盔甲悉行質當以致營伍廢弛
茲據各兵丁赴臣衙門具呈僉稱除支來年春季
全餉外再懇於府庫明春預借一季餉銀分作十
箇月扣還等情經臣嚴加申飭竝將應行撙節情
由逐一開誠訓誡無如相沿日久逋欠已積當此

嚴冬除歲之際驟禁通融兵丁未免艱難以臣愚
見冬支全季春餉斷屬不可而欲加整頓祇可逐
漸更改今年歲底應暫照從前支給正月之例再
給一箇月下剩一箇月留爲明春二月內支給接
濟待至來年再爲預飭弁兵早爲撙節至歲底止
准借支一月以此遞減兩年之後即可春放春餉
永杜預借之端雖此時未副所求各兵度歲不能
如從前之適意而將來按月獲支全餉則每年可
免匱乏之虞實於營伍兵丁均有裨益所有三營
借餉情由理合據實奏

聞伏祈 聖鑒施行謹 奏
所見甚是整飭武備訓練營伍尤爲第一要務勉之

安徽巡撫臣徐本謹

奏爲奏明事竊照鳳陽關稅務係臣衙門經理前撫
臣程元章檄委鳳陽道何宗韓料理徵收今何宗
韓奉 旨以京員補用現在交代離任有新任鳳陽道李如蘭
原係江寧府知府臣前於江蘇臬司任內知其爲

人謹飭今將鳳陽關稅務現在委令李如蘭徵收料理臣仍不時稽察務期上裕

國課下恤商民以無負

皇上委任至意理合將委員辦理之處繕摺奏

聞謹

奏

不時稽察四字不可作虛文泛奏言行少不相副則爲辜負委任也一切敷陳總以躬行實踐爲貴切勿徒託空言卽一字一句朕必期其符合向後當加詳慎斟酌已力之所能否奏聞於朕此非吟咏風月游情翰墨堪

此一字不實如何其可誌之勉之

奏安徽巡撫臣徐本謹

皇奏爲恭報上江得雪日期事竊照三冬瑞雪攸關來
間分歲田功今於十一月二十八十二月初二等日安
慶城內連得大雪臣卽飛行各屬飭查去後續據
申報前來安慶府屬之桐城潛山太湖宿松望江
徽州府屬之休寧祁門績溪婺源歙縣寧國府屬
之宣城寧國太平旌德南陵涇縣池州府屬之貴
池青陽銅陵石埭建德東流太平府屬之蕪湖當
塗繁昌廬州府屬之合肥廬江舒城巢縣無爲州

六安州及所屬之霍山英縣滁州及所屬之含山
廣德州及所屬之建平等州縣俱於十一月十六
二十八二十九十二月初一初二初三等日各得
雪或一二寸或三四寸或五六寸不等惟鳳陽一
府潁泗亳三州尚未報到臣細訪各屬土脈滋潤
麥子俱經佈種所有上江得雪日期理合恭摺奏

聞伏祈

皇上睿鑒謹

奏

覽上江各屬所得亦止微雪耳朕爲北數省三冬無雪

甚爲憂念

安徽巡撫臣徐本謹奏爲詳陳安徽省盜案情由并酌添捕役以資巡緝事

竊照安徽省濱河環山盜賊多有臣自抵任以來披

閱案卷報刦報竊日有數起而宿州壽州亳州等

處尤甚伏思寧謐地方全在嚴拏盜賊而嚴拏盜

尤爲切要

賊必須嚴督捕役但有司每遇盜案竊發不過出

一緝批任其所之毫無整頓以致竊刦頻聞逸盜

未能卽獲臣仰體

皇上弭盜安民至意現在分定比緝之法飭令司府直

隸州各立比簿凡係竊案提比責之府州大盜提比責之臬司其有巨盜及案多未獲之處臣則親自提比并照定例立限分別懲勸其沿江一帶臣復派委員弁分路駕舟巡哨冀戢盜風再請於省城另募幹練妥當捕役八名發與按察司衙門一聞慣盜行劫立即飛差前往協拏平日即令慎密查緝各處私磺私鑄等項捕役每名每月於兩關存公節省浮費項下動支銀三兩作爲工食臣與臬司仍嚴加約束不時體察明示賞罰不許在外生事如有違犯盡法懲治雖省城設立捕役八名

未必能查拏通省大盜然各屬恐爲臬司捕役拏
獲有干考成諒必各知奮勵似亦整飭地方之一
端至宿州等處素稱盜藪其應行防範之處臣現
在悉心訪察容俟酌議妥協另行請旨是否
有當伏祈聖鑒訓示施行謹至正十八年八月
奏

安徽巡撫趙徐本謹

奏

奏爲恭報鳳陽等處雨雪霑足事竊照安慶等屬於

上年十一二月內連次得雪竝鳳陽一府及潁泗
亳三州未據申報各情由經臣恭摺奏

聞今據鳳陽府屬之鳳陽臨淮懷遠靈璧定遠虹縣壽
州宿州各申報正月初三日先得雨一寸初四日
復得雪三寸至五寸八寸不等又據潁州申報正
月初四日得雪六寸所屬之潁上霍邱二縣各申
報十二月十二日得雪二寸正月初二日先得雨
二寸初三日復得雪三寸又據泗州及所屬之盱
眙天長五河三縣申報十二月初七日各得雪一
寸又於正月初二初四等日得雪五六寸不等又

據亳州及所屬之太和蒙城二縣各申報正月初
二日先得雨二寸初三日復得雪三寸俱稱四野
霑足其從前已得冬雪之安慶等各屬亦陸續申
報同日得有雨雪通省農民甚是歡悅所有安省
雨雪霑足緣由理合具摺奏咨

覽奏安省各屬雨雪霑足殊爲欣悅之至

安徽巡撫臣徐本謹

聞奏爲奏安省各屬雨雪霑足殊爲欣悅之至

聞事竊照安徽所屬舒城等八州縣內有秋禾被水處
所經前撫臣程元章

題報情形在案臣到任檄催據布政使馮景夏委員
勘明詳報前來臣查八州縣內除壽州不致成災
其宿州舒城等處被災之地雖有六七八九十分
不等然每州縣不過數處餘者皆獲豐收當其初
報被水之時業經前督臣尹繼善動支存公銀兩
資助窮民今勘明成災之際臣現在又動存公銀
兩委員前赴各該地方復加撫恤務不致有失所
此時米價甚平畧加安頓災民即可支持惟臘底

奏及明歲春耕以前正屬米價增長之候災民不無
乏食之虞臣是以會同署督臣魏廷珍疏請照雍
正三年之例自十二月初一日起動用存倉米穀
散賑三箇月并將災田錢糧按照分數蠲免同壽
州不成災之田地錢糧均請緩徵在案除安徽四
省所屬秋成各分數另行開摺恭呈
御覽所有微臣辦理此案情由理合奏
聞伏乞
睿鑒謹

奏

知道了散賑之舉其中弊竇不可勝言若但虛應故事不能令災黎獲沾實惠徒飽猾吏姦胥之貪腹其咎總歸於汝也慎爲之

安徽巡撫臣徐本謹

奏爲請

旨事竊照官員委署安省舊例俱係布政司詳委嗣因布政司駐劄江寧與安慶巡撫衙門相距遙遠詳文往返動輒月餘州縣有刑名錢穀之責委員日久不到勢必貽誤隨前任撫臣程元章摺奏奉部議准凡叅劾之員由督臣叅劾者令江寧布

奏
政司就近詳委批署由臣衙門叅劾者令安慶按
察司就近詳委批署奉

旨允准近來叅劾官員出缺委署迅速地方無誤其法
甚善但查應行委署之缺不止叅劾一項其餘奉
旨引

見陞遷降革丁憂改教告休病故等項遺缺甚多臣思
叅劾員缺既可令按察司分任辦理則其餘各項
亦可循照而行然不分定地方又恐遠近遲速亦
未合宜經臣令布按二司從長酌議去後續據該
司等稟覆寧國鳳陽太平三府并滁和廣泗亳五

州所屬地方離安慶八九百里不等俱附近督臣衙門應令布政司徑詳督臣就近批委安徽池廬四府并六潁二州所屬地方離江寧亦八九百里不等俱附近臣衙門應令按察司徑詳臣衙門就近批委仍彼此咨明以便查考等情與臣意見相符爲此繕摺具

奏至於司道大員責任綦重應循舊例督撫會商而行合併陳明是否有當伏祈
皇上訓示施行謹

奏

該部議奏

安徽巡撫臣徐本謹
奏爲知府才具不同謹請酌量調補以重職守事竊
臣查得寧國府知府黃叔琪才具中平雖未著有
劣蹟但辦事因循難勝府任伏查雍正六年八月
內欽奉

上諭知府管理通郡有察吏之責內有僅係循分供職
不能察吏而又素無過犯不至叅劾於吏治無益著
督撫詳加甄別其有才具中平不能察吏以在京部
屬改調欽此欽遵在案今黃叔琪與前奉

諭旨相符臣不敢徇隱相應據實奏

聞請以部屬改調又太平府一缺向係就近管理蕪湖
關務甚屬緊要知府李暉經前撫臣魏廷珍委令
管關嗣因廣東督臣鄂彌達叅奏失察關役需索
一案奉

旨查詢隨經前撫臣程元章改委池州府知府李士傑
管理及臣到任細查李士傑謹飭辦公管關以來
所收關稅頗有贏餘商民亦皆帖服第查蕪湖一
關係太平府所轄池州距關二百餘里道路遙遠
暫管則可日久恐難兼顧此外又無別員可委臣

皇上查太平池州二缺繁簡相等若將李士傑與李暉
對缺調補實於地方關務兩有裨益但李暉現在
遵

旨令與廣東委員質審虛實未定臣未敢遽請調補可
否容臣將太平池州二缺先行調署俾李士傑得
以就近管關俟李暉失察一案審明之日再請補
旨命授仰祈學賢臣等之計雖前無引野示章永世王
皇上訓示遵行謹

奏

所奏是候另旨諭部

安徽巡撫臣徐本謹

奏爲請

旨事竊查雍正八年庚戌科進士姚日升奉

旨命往安徽學習到省之後經前撫臣程元章派往江
寧藩司衙門尚未限滿今安徽學政臣姚三辰係
姚日升親父已准移會到任考試臣查姚日升現
在學習既有差遣限滿之日又應委署父子同省
卽彼善爲防閑刻自檢束恐有不肖之輩在外借
名滋事仰懇

皇上將進士姚日升調赴蘇州藩司衙門學習俟限滿

天恩之日同下江進士一體委用似屬妥便為此繕摺

高彩恭請

皇上批示遵行謹

照所請行該部知道

聖恩安徽巡撫臣徐本謹父于省荷兩嚴徽督催將來

奏為

天恩有加無已微臣感激難名恭摺

命奏謝以伸下悃事竊臣一介菲才仰蒙

皇上不次超擢洊歷封疆夙夜黽勉方愧無以報稱接

閱邸鈔知臣胞弟通政司右叅議徐杞又奉

命赴甘肅料理軍需重務旋轉左叅責任匪輕

恩施倍渥茲接臣子翰林院庶吉士徐以烜家信知臣

子復蒙

聖恩授職編修是臣兄弟父子皆荷

皇上有加無已之

隆恩舉家感激莫可名言臣惟爾之前修尚不爲純綿麗

密當勵修而益修爾弟竭力何如竭忠亦豈可輕本重

未若但以爾父之宦績視爲極則以爲無可復加殊非

高深於萬一耳所有微臣感激下悃謹具摺恭謝

朕期望之意也勉之

天恩伏祈

睿鑒謹

奏

覽

安徽巡撫臣徐本謹

奏為奏明事竊照安省正項錢糧前經委員逐一清

查已有頭緒臣現在將未完銀兩嚴檄督催將來

自可陸續清楚惟有馬田稻租一項因係雜項錢

糧從前未經清查臣思此項稻租每年既應奏銷

即同正項理宜一體查明逐年徵解庶無拖延朦

混之弊隨細加確核自康熙五十八年起至雍正

十年一十四載共積欠租稻一萬二千八百五十七石有奇其中非係胥役侵蝕卽屬佃戶抗欠且查有私折價銀收存在庫者年久欠多此時不加釐剔勢必

國帑虛懸歸於無著而官佃玩愒之風亦將漸長查此項稻租向係州縣竟申巡撫衙門考核布政司無督查之責易致拖欠臣隨將歷年完欠開冊飭知責令布政司一體督催并飭於前在江南清查錢糧之試用人員內遴委數員同幹練佐雜等官前往催查以冀徹底清楚再從前查明之正項積

欠內有貴池銅陵祁門三縣自康熙五十五年起
除催徵起解外仍未完地丁雜課等銀三萬有奇
未完米豆五千石有奇臣已飭令委員一併查催
總期一清逋欠將來得以年完年款倘有官役侵
肥等弊臣另行叅究仍飭委員妥協辦理不致滋
擾閭閻所有委員清查馬田稻租及帶催正項積
欠緣由相應奏

聞伏祈
皇上睿鑒施行謹

奏

據奏飭催馬田稻租併令委員帶催正項積欠均屬地方要務應行料理者

安徽巡撫臣徐本謹

奏爲奏

聞事竊照安徽省之池州一府民俗刁悍最難治理而附郡之貴池一邑爲尤甚臣查貴池地勢參差塘田高岡不一該縣民人習慣抗糧雨水偶多則稱塘田被淹雨水偶缺則稱高岡失收即使雨澤調勻之歲亦稱年景平常或求蠲免或懇緩徵以致正雜錢糧拖欠頗多臣到任後訪知其弊因前任知

皇土縣陳瑞不能振刷當經

題請改補簡缺遴選試用官張鳴鐸署理在案詎該縣刁徒張士如等生員呂垣等復萌故智乘府縣公出輒赴署同知周璠衙門投遞旱災呈詞周璠新任不諳混行接收經臣訪聞一面將周璠掣回一面飭府確查果否被旱而張士如等知事情敗露卽於八月二十三日率領鄉民百餘人各挑稻禾將縣門堵住捏稱保留周璠并揚言要搶潑米舖嚇令關門又值學政在彼歲試遍貼招帖欲於人衆之時聳動觀聽當據該府縣稟報實有六七

分收成委係刁徒捏詞抗糧隨將爲首之人密行
拏獲等情臣恐府縣有匿災情弊飛委銅陵縣知
縣冉瑾前往查勘續據勘明竝不成災出具印結
由司詳報到臣其爲刁徒希圖抗糧情事顯然亟

應嚴加懲創臣與督臣高其倬各飭嚴拏首犯從
竝未聲明作何究治此豈泛泛以從重二字含糊奏聞

案件耶

重究治以遏刁風其餘隨行鄉民多屬無知未便

槩行拖累俱飭令分別審釋所有貴池刁徒捏災
抗糧及臣拏究情由謹繕摺奏

聞伏祈

皇上睿鑒施行謹

奏時官共一十五員限限於兩月內典史巡檢大尉
此等刁風豈容寬縱宜飭有司嚴行審究將爲首者以
光棍例定擬示懲餘犯內擇其強橫者照抗糧例繩治
始足蔽辜倘少涉姑息被朕訪聞必不輕恕汝等也毋
貽後悔

江南總督臣高其倬安徽巡撫臣徐本謹廣且有
奏爲請前升補五省五平肅等縣奏大舉世善要務
旨事竊照安省州縣以上各官俱蒙平三月內野其
聖恩准給養廉俾得安心辦公惟佐雜各官向因耗羨
尚未克裕勢難遍及是以未給養廉但此等佐雜

日用不繼易致擅受民詞私取里下等弊臣等伏
查現存江廣每年歸公鹽規匣費銀三萬兩當日
俱係大小衙門規禮於雍正十年三月內經臣其
倬暨前任浙江督臣李衛等議奏大學士等覆核
逐年收存司庫以備地方公用奉
旨依議欽此欽遵在案似應推廣

皇仁以公濟公查安省佐雜除藩司庫官倉大使并糧
道衙門庫大使已經議給飯食及各驛丞均有職
掌毋庸置議外其藩臬兩司首領官三員各府首
領官共一十一員州縣佐貳吏目典史巡檢大使

等官共一百五十員除出遠差照例酌給盤費外
每員議給養廉銀五十兩通共需銀八千二百兩
相應仰懇

聖恩每年卽於存司克公鹽規內按數撥給歲底彙冊
皇上送部核銷再查下江各道每年養廉銀三千兩鳳
陽一道原定養廉僅二千兩該道轄屬甚廣且有
管理關務重任未免不敷請照下江道員之例并
懇
聖慈一體增給以示鼓勵又安省出差同知通判歷來
有全支養廉者亦有與署官各半均分者未經畫

一臣等伏思出差之員在署既有家口在外復需盤費未便因其出差而翻減其養廉嗣後出差之員應請准其全支其署員一半卽於各屬缺官養廉內補給臣等謹繕摺具

奏是否有當伏祈

皇上訓示施行謹

奏

朕觀此奏大約出於高其倬之私心淺見欲試行小惠之意鹽規收存司庫原以備克公用利濟地方諸務則可議給佐雜等官則不可何也佐雜等官各省皆有鹽

規銀兩或有或無今安省以之撥給養廉倘他省援例
請給將撥何項以應斯舉斷難徇汝等猥鄙之願鳳陽
一道地偏事簡薪水焉至不敷且未有因管關稅反增
養廉之理是何意見朕殊不解汝等創開謬論以示恩
邀譽若令傳播遠聞俾闔屬暨各省微員咸歸怨於朕
高其倬試思於心安乎身名猶望保全乎從前張楷楊
名時輩率因此等作用而致禍汝等已知之矣至於出
差之同知通判等員自不應分減養廉酌量辦理以敷
其用爲是

奏安徽巡撫臣徐本謹

奏爲奏

聞事竊照蕪湖鳳陽關稅一年期滿例應考核查蕪湖
關每年原額應徵正稅銅斤等項共銀二十二萬
七千六十五兩零今一年共徵銀四十一萬八千
三百五十一兩零實贏餘銀一十四萬六千五百
七十五兩鳳陽關原額正稅銅斤等項共銀九萬
一百五十九兩零今一年共徵銀二十萬八千五
百五十一兩零實贏餘銀一十一萬八千三百九
十二兩以上兩關共贏餘銀二十六萬四千九百
六十七兩臣查閱檔案自關歸巡撫之後屢年多

有贏餘從未收至二十六萬有餘之數及細加查
察竝無累商情弊除將銀兩委員解部外所有收
過兩關稅銀及贏餘數目理合奏

聞伏祈

皇上睿鑒謹

奏

贏餘如此而客商無累實屬可嘉

安徽巡撫臣徐本謹

奏爲安省安插土司另請撥給地畝以廣

皇仁事竊照雲貴廣西等處不法土司安插內地仰蒙

皇上深恩允准每十名撥給官房五間官地五十畝俾得存養勿致失所此誠千古未有之

曠典臣查安慶城內共計安插廣西土司鄧朝宸趙殿
烜貴州土司蕭來鳳等共二十一名照例應撥給
官房十一間官地一百五畝查鄧朝宸等於雍正
七年五月內到皖至九年十二月內始經撥給房
地而地又坐落來安縣地方距安慶甚遠各土司
不能自行耕作惟賴該縣知縣代徵糧食賣銀移
交每年非被佃戶侵收卽被胥役中飽有名無實
以致各土司無以存活有賣兒鬻女者有情極潛

土備逃者殊非仰體

皇上矜恤安全之至意

臣

請將原撥來安縣地畝責令

地方官確估賣價先於皖庫存公項下暫動銀兩

在安慶附城地方按數買地撥給各土司令其自

耕自食俟來安地價賣出歸還原款設有不敷准

於公項開銷庶各土司不致失所而

聖恩浩蕩益令感戴靡旣矣再查土司趙殿烜係上年

七月內脫逃

臣

於抵任後移咨原籍查拏今於本

年四月內已准原籍獲解到安臣當將各土司嚴

加約束不致生事合併陳明伏祈

皇上批示遵行謹

奏

此件辦理甚是既經安插自應令其寬裕以遂生理將
在皖買地暫動公項之處咨明該部可也

安徽巡撫臣徐本謹

奏爲恭謝

天恩事雍正十一年七月初十日臣齎摺家人旋皖接

准內閣大學士臣鄂爾泰張廷玉字開雍正十一

年六月十四日奉

上諭朕覽徐本奏報各屬麥收分數而註云幾分幾釐

甚覺可笑不知所謂幾釐者如何見之大凡奏報收
成分數但當於約計之中恪遵據實之旨不以己意
增減便是正理今徐本幾釐之奏看來似屬詳核而
於理不合於事涉虛若據實陳奏忠誠之臣必不如
是從前有一無知妄人亦如此陳奏朕批諭切加訓
飭今徐本第二人矣可謂愚而詐者也爾等可傳旨
嚴行申飭欽此等因寄字到臣跪誦之下不勝惶恐
之至伏思開報收成祇應約計分數臣照依各屬
之冊以地畝計算開及釐數實屬不合今蒙
皇上訓示臣深覺見識愚昧嗣後臣當敬謹奉行又於

此二字朕深惡之非由中之言也

汝真自以爲愚昧乎果愚昧是實朕誤用之咎且置勿

臣恭謝

論汝以愚昧之質敢膺封疆重任而泰然處之是誠何

天恩摺內荷蒙

心耶此等薰染虛文率皆相習而不覺嗣後當屏除淨

皇上硃批勉微臣以勵修勗臣弟以竭忠

盡君臣之間惟以無欺無隱爲貴勉之

聖恩如此高厚

提命如此諄切不獨臣銘心刻骨卽臣父徐潮九泉有

知亦當銜結

天恩於無旣臣惟有振刷精神竭效誠悃以冀少酬

皇上期望策勵之至意所有微臣感激下情謹具摺

奏謝伏祈

皇上睿鑒謹

奏
幾釐之奏猶屬小過朕諄諄訓誨者無非欲汝務實而
不務虛之意耳

安徽巡撫臣徐本謹

奏爲欽奉

上諭事竊臣接准部咨各省書院仰蒙

聖恩賜帑金壹千兩令督撫商酌舉行并念士子羣聚

帑讀書膏火不繼

敕令預爲籌畫其不足者在於存公銀內支用等因此

皇上誠與文煥實屬人林之至意

皇上振興文教廣勵人材之至意臣遵卽於司庫內提
帑金一千兩現在飭發安慶府置買高腴之地以爲
聖恩書院永遠膏火之資并刊立石碑恭紀士子羣衆
曠典以爲千古不朽之舉查安慶書院地方寬敞凡墻
奏垣傾圯之處臣親詣查勘俱重加修整并於隙地
添蓋房屋數十間以爲士子誦讀之所一切器皿
已飭有司置備其不足銀兩查安省各州縣向有
奏銷亦不報部之學田一項係順治年間前任撫按

諸臣捐置以爲賑恤貧生之用共計成熟地三十
五頃六十畝零每年額租稻一千七百石有奇額
租銀三百四十八兩有奇額租麥豆一十五石因
皇上被劣生霸占烹分貧士不沾實惠於前撫臣魏廷
奏珍任內據闔屬生員告發隨經停止賑恤數年以
來銀稻租息雖名爲分貯各州縣學而實則爲教
官胥役人等中飽臣自上年到任後察知其弊嚴
檄分查已經徹底澄清將租稻賣價提貯安慶府
庫除修理安慶學宮動用外實存銀七百五十兩
零其未完之數尚未提齊臣查學田原爲學校而

設擬將此項額租除查明實在貧生仍准賑給外
下剩之數悉解省城歸於書院之用可以不必再
動存公銀兩其現今修葺房宇并置備器皿等項
亦有現貯府庫之項儘足支銷更可不必再動別
項所有微臣辦理緣由相應

奏明至於此次培植書院乃我

皇上格外洪慈必得整躬勵行足爲師範之人朝夕訓
迪使遠近知所觀感臣令各府州密行查察甚難
其選今據懷寧等學各生赴臣衙門稟稱有桐城
縣丁憂回籍國子監司業胡宗緒文行兼優堪爲

平省矜式議往聘請等情臣思胡宗緒既爲闔省
推服則其人品學問必有可觀可否此時暫作書
院師長俟其服闋仍令入都赴補并請

皇上訓示遵行謹

奏

書院一事辦理允屬是當

安徽巡撫

臣

徐本謹

奏

安徽巡撫臣徐本謹

奏爲敬陳拏獲積盜緣由仰祈

聖鑒事竊照安徽省壽州地方濱臨淮河爲江南豫省水

路孔道往來商賈停泊河干每遭剗剗歷年以來

硃批諭旨

三

徐

本

一歲之中申報大盜十餘起至數十起不等臣密
加查察訪有一夥積盜俱係沿河聚族而居撐駕
小舟假以捕魚爲業散布河濱久慣爲匪商賈不
敢夜行臣密諭廬鳳道李如蘭到彼訪拏該道隨
雇覓客舟減從前往臨晚行至該州地方卽遇一
夥慣盜視爲客商拉船欲刦經該道差役擒獲孟
皇土二一犯究出同夥爲匪者二十餘人供明每遇客
船停泊卽便尾隨行刦共計刦過棉花船米船瓶
罐船一共十餘案其餘搶竊之案尚多陸續拏獲
平文早等一十三名并跟獲孫馬綽號騮花馬孫

大豐黑綽號無天地平小報綽號兔虎坐等三名其餘
各盜現在密檄嚴拏臣查此輩久匿河干積慣行
劫且有如此綽號實爲水路大害當將各盜飭令
臬司嚴審劫過各案確情追緝餘盜定擬具

題竝分委附近佐貳人員令廬鳳道督率前往沿河
一帶將大小漁船取具連環互保編列號數嚴密
稽查其孫平焦鄧等姓聚族而居者設立族正不
時查舉如有違犯一體坐罪再令文武員弁輪流
巡哨務期寧謐外所有拏獲壽州積盜緣由相應

奏

硃批諭旨

三

徐本

聞伏祈

睿鑒謹

奏

嘉悅覽焉地方事務能如此悉心整飭朕於該省復何
憂何慮緝捕盜賊最爲第一要務而察詰匪類尤宜留
心勉之

安徽巡撫臣徐本謹

奏爲請

旨事竊照各省設立義學並查其輩入國試千費計
先農壇並正房配房田畝農具等項於雍正四年間經

九卿議定令動正項錢糧建造置備所用銀兩造冊報銷等因遵照在案今查安徽所屬因奉行之時俱係地方官捐資辦理並不動支正項是以前撫臣魏廷珍以無庸報銷咨部嗣准工部咨駁魏廷珍又因從前捐置各官陞遷事故十有八九無憑飭領等情咨覆茲於本年八月二十九日又接皇上准工部咨開建設

先農壇宇

大典攸關各省皆遵原議今安慶一省竟聽各屬捐建與原議不符應咨該撫將用過銀兩實在確數詳

硃批諭旨

三

徐本

細查明逐一備造細冊具題到日再議等因臣思
大典建立各省督撫風氣未定一省一風其數
先農壇宇置買藉田乃我

皇上敬工

天勤民重農務本之至意自應照九卿之議動用正項以

昭千古未有之

盛典從前安慶各屬捐資置備原屬錯誤但臣細查此

案事隔七八年原捐各官大半去任經手人役亦

多回籍身故雖有捐銀數目而竝無高濶丈尺圍

圓徑寸工料細數可查若不行造報則與各省定

例不符若混行開造細數則事涉欺誑且查各屬
壇宇多未堅固尚需修整更何敢朦混具
題臣再四思維捐置固不可行細數亦難確切可否
聖恩允臣將舊建壇宇等項照依現存工料逐一委員
估計如原捐之官仍在安省者如數給還其已經
離任尚有虧項未清者准其歸補別項若病故已
奏久或回籍無人具領者存貯司庫以爲修葺之用
皇土此臣之管見未敢冒昧具
題爲此繕摺具

硃批諭旨

三

徐本

奏伏祈

皇上俯賜訓示施行謹

奏

此係部駁事件備將情由具文咨覆該部可也

安徽巡撫臣徐本謹

奏爲紳士急公修城據情

聞事竊照安省環山帶江地方險要惟賴城垣鞏固以

資捍衛若稍有殘缺隨時粘補猶易爲力倘坍塌

過多則工繁費重修葺維艱今據東流縣詳報貢

生汪廷偉等定遠縣詳報紳士單延祺等石埭縣

皇上詳報紳士章志陞等婺源縣詳報紳士汪作楫等

恭誦

皇上獎勵善良之

諭旨共相鼓舞情願出資捐修本邑城垣現在各縣捐

銀千有餘兩及五六百兩不等各存公所次第興

工等情臣復加體察竝無科斂情弊隨批令均聽

紳士自行辦料募工地方官董理其事毋許胥役

經手致滋擾累在案以上四縣各紳士踴躍修城

實出樂善之誠除俟工竣之日分別捐數多寡竝

奏首善之人給扁獎勵以及捐數多者另行奏

硃批諭旨

徐本

奏請議敘外所有紳士好義修城緣由先行奏

聞伏祈

皇上睿鑒施行謹

奏

據奏該紳士等實出樂善之誠竝無科斂情弊果若此
乃地方美舉也工完時具題請旨

安徽巡撫臣徐本謹

奏為奏明事竊照桐城縣原任大學士臣張英原任

刑部尚書

臣姚文然均蒙

皇上准入賢良祠內又於本籍

賜祭一壇辨雨雪事蘇熙三冬雨雪外關來遠外如
頒賜祭文遣官
諭祭此誠

皇上眷念碩輔之至意伏查外省

諭祭向係藩司大員恭齋祭文前往宣讀亦有巡撫親
往者臣查安省藩司駐劄江寧與桐城相隔千有
餘里若另委別員恐致褻越未足仰副

盛典臣駐劄安慶距桐城僅一百二十里計程一日可
奏到臣已照會藩司俟本家擇定日期臣卽就近前

往

硃批諭旨

三

徐本

諭祭督撫出境例應

奏報臣謹具摺奏

聞伏祈

皇上睿鑒施行謹

奏

已有旨矣此舉汝其仰體朕意隆重禮儀以榮之大學士張廷玉體國弼政非他人可比朕但慮汝不及不慮汝之過也特諭

安徽巡撫臣徐本謹

奏爲恭報雨雪事竊照三冬雨雪攸關來歲收成例

應

奏報今查臣屬安徽寧池太廬鳳廣六泗潁等十一

府州所屬申報於十一月初五初十十二十三

四十七等日得雪二三寸至五七寸不等因連雨

雨雪

融化豈能透土三四尺之深實爲聞所未聞

夾雪所以不能積厚融化透土約深三四尺悉稱

霑足與麥根大有滋益其滁和毫三州屬緣路遠

尚未報到所有安省已得雨雪緣由相應奏

聞伏祈

皇上睿鑒謹

奏

硃批諭旨

奏

徐

本

覽

安徽巡撫臣徐本謹

奏爲請設塘船以資巡緝以救飄溺事竊照長江一帶江濶水溜兩岸俱屬蘆洲人烟稀少素爲盜賊出沒之所是以昔年添設遊兵等營於夾口磯頭安定塘汛撥兵防守之外又置備塘船一項以資巡緝蓋賊船往來皆於隔岸潛行遠避塘汛若無塘船則無從盤詰追拏且長江風浪不時客船每多遭風失水倘有塘船一聞沈溺卽可赴援是塘船之設不特有關緝盜亦可撈救生命臣自江寧

秋審旋皖一路留心查察非係破爛不堪卽屬全
無船隻臣又差員自安慶至江西接壤各汛確查
均與臣所見無異及細詢營員僉稱此船向係地
方官捐備有名無實所以日久廢弛臣思塘船旣
奏關如此緊要亟應確估興修請於存司公用銀內
動支銀兩按其汛地之衝僻分別應添應修卽令
地方官會同營員料理實於弭盜救生大有裨益
再查塘船原定式樣約長一丈七八尺濶五六尺
每隻新造約計二十兩修艙不過數金沿江共一
百十七汛應添者十居其六七應修者十居其二

三大汛應設二隻小汛應設十隻所用銀兩俟工
竣之日照例彙冊年底咨部查核仍著落地方官
不時修葺造冊交代以爲永久之計是否有當伏
祈 聖 旨 會 同 營 員 核 實 欽 此 欽 此 欽 此

皇上訓示施行謹

奏

塘船之設甚爲有益應如是辦理

安徽巡撫臣徐本謹

奏爲恭報冬雪事竊照今年十一月初五初十十二
十三十四十七等日安徽寧池太廬鳳廣六泗潁

等府州所屬連得雨雪經臣具摺奏

文奉

聞至滁和亳三州先因路遠尚未報到嗣據滁州所屬
申報十一月初十日得雪二三寸不等又據和州
所屬申報十一月初十日得雪二寸十五日得雪
五寸又據亳州所屬申報十一月初九日得雪四
五寸不等所有滁和亳三州續報得雪緣由相應

奏

聞伏祈

皇上睿鑒謹

奏

硃批諭旨

四

徐本

深慰朕念

皇上安徽巡撫臣徐本謹

奏爲恭謝

天恩仰祈

睿鑒事竊臣一介微末世受三

國恩荷蒙

皇上不次拔擢由學政洊歷藩臬陞任巡撫又蒙

聖諭頻頒諄切教誨俾臣有所遵循以盡職守臣夙夜

聞空冰兢撫躬自勵未有涓埃之報惟深隕越之懼今

於雍正十一年十二月三十日接到部文奉

旨補授臣爲都察院左都御史聞

命之下感悚倍至伏念左都御史一官實風紀之攸司

爲科道之表率臣以菲材膺茲鉅任惟有恪遵

聖訓益自黽勉以仰報

高厚於萬一臣查安徽巡撫陞任後向有將印信交總

督帶理者亦有俟新任交代者第總督駐劄江寧

相距安慶七百餘里送印前往每致公務稽延臣

從地方起見仍暫行辦理一切公務計新撫臣王

紘由浙至安諒不甚遲臣俟新撫臣到任交代卽

日就道除交印起程日期另疏

題報外所有微臣感激愚誠合先具摺

奏謝仰祈

睿鑒謹

奏

俟新撫臣到任交代後起程就道甚是卿安徽一任毫無不及之處因在廷漢大臣乏人不得已召卿內用知之

安徽巡撫今陞都察院左都御史臣徐本謹

奏爲恭報微臣欽奉

諭旨竝交印赴浙緣由仰祈

睿鑒事雍正十二年二月二十二日准大學士臣鄂爾
泰寄信內開雍正十二年二月初六日據浙江總
督程元章摺奏江山縣匪類王益善等一案請

欽簡大臣赴浙會審等因奉

旨著左都御史徐本卽由安慶前赴浙江會同程元章
嚴審定擬具奏欽此相應遵

旨寄信前來奉到

諭旨可卽密行前往不必聲揚恐致未獲之匪類聞風

遠颺特字等因到臣查此等緊要事件必須密

速辦理據布政使李蘭稟報新任撫臣王紘於二

硃批諭旨

呈

徐本

月初十日已抵江寧省城又據標下中軍王珽稟
稱二十日已至太平府所屬之蕪湖縣臣隨將任
內經手事件查核清楚於二月二十五日將關防
欽頒巡撫關防蕪鳳二關監督關防

王命旗牌等項委中軍叅將王珽安慶府知府范璨恭
齋交送新撫臣王紘舟次臣卽於是日由旱路星
馳赴浙會審除交印日期遵例

題報外所有微臣欽奉
諭旨竝赴浙緣由相應具摺奏
二日六日

聞謹
事
五
十二
日
大學士
爾

共奏外萬一而日視有難且無幾不則難具辭恭
匪類之貽害生民最酷審理此等案件務宜盡力窮究
不可先存將就速結之念若妄將化大爲小以免株累
無辜之鄙論奉爲指南則大誤矣克詳克慎勉爲之

工部尚書臣徐本謹

奏爲恭謝重

天恩仰祈
睿鑒事竊臣樗散凡材仰蒙

皇上深恩教誨成全由學政擢至巡撫夙夜兢兢愧無

報稱雍正十一年十二月又蒙

硃批諭旨

聖

徐本

特旨授臣爲左都御史嗣因奉差赴浙尚未入都茲於
皇上雍正十二年四月十八日准浙江督臣程元章鈔
咨錄部咨知會到臣復蒙

聖恩陞臣爲工部尚書伏念冬官職司邦土忝列六卿

責任愈重

恩遇彌隆清夜撫躬益慚蚊負臣惟有俟差委事竣趨
承審案件宜從容詳悉精明察究部務自有常經無急

需料理之處知之

闕廷敬請

聖訓奉爲章程竭臣葵赤之誠仰報至優至渥之
洪慈於萬一而已所有微臣感激下悃謹具摺恭

謝伏祈黃森官等二十五各等更時察審縣縣
皇上睿鑒臣謹
奏
覽卿奏謝矣

工部尚書臣徐本浙江總督臣程元章謹
奏為奏四
聞事竊照江山縣匪類王益善等一案臣徐本奉
旨赴浙審理於三月初九日抵杭其時因在江西拏獲
之黃森官等未據解到隨一面差員前往咨提
面將在浙各犯先行提訊據詹子彬供稱割付係

硃批諭旨

四

徐本

向文陽王吳士榮領來是督兵大元帥徐敏也有
劄付是提調天下兵馬大元帥原係希圖騙人財
物捏稱天下將亂領此劄付便可保守身家兼得
做官因照吳士榮所給劄式刊刻劄板與祝芳昇
奏合夥四處煽誘賣與王益善張齊雲周德黃雄黃
邦奇周仕興王昌宇周燦周統錫管璉陳明章周
廷鳳祝芳昇及已故之吳元德鄢國崑各劄付一
張等語起出劄付劄板及提各犯質訊無異嗣於
四月初六初七等日准江西撫臣由江南先解到
首犯黃森官等一十五名臣等復加察審初猶狡

供迨至嚴加夾訊竝將盟布令其自行閱看始供
原因開店折本無可營生遂於雍正十年三月內
與傅秀山商量在江西省城創造齋堂設立三皇
聖祖教卽圓敦大乘教又白陽會等名目煽惑愚
民而森官之父黃廷臣則自稱爲天老爺又稱黃
太師森官則爲彌勒佛紫薇星不但入教男婦皆
奉爲教主卽伊胞叔亦甘心下拜其後附和者衆
森官則居然以紫薇星自居遂與黃雨珍熊簪舉
周簪鳳結爲生死之交因而狂悖之語形於盟布
之內不軌情形已屬顯然惟散給劄付之處堅供

止有堂簿竝未造劄若果有偽造情弊盟布經書
已經搜獲劄板安能隱藏再提吳士榮研審據稱
係伊自造劄付誑騙詹子彬徐敏恐其不信故自
稱爲文陽王等語但黃森官父子設立齋堂創議
起自傅秀山而各犯又曾供傅秀山爲軍師是造
劄實情必得傅秀山到案質訊始成信讞今於四
月二十日准江西撫臣謝旻咨報傅秀山一犯分
差查拏業在福建地方拏獲臣等現在咨提應俟
提到傅秀山與各犯質對至封禁山聚有夥黨之
處夾訊黃森官雖供竝無同夥復令前在衢州府

奏供有千把人之祝昇芳質對則稱得之詹子彬而
詹子彬又稱吳士榮所說及提吳士榮究訊復稱
庚子年間聞鉛山地方有強盜說過是封禁山所
皇上以借此哄人等語惟是封禁山地連江閩周圍遼
闊大濶封禁日久易致藏姦臣程元章已經會同江閩
督撫委官前往山內嚴密搜查尚未回報而四月
間奏事一日又據江山縣呈報准玉山縣關稱訊據獲
犯曹小胡供稱封禁山內有箇齊陽王在裏頭姓
齊等語更非無因臣等現在提訊尚未解浙總之

聖恩臣等仰蒙慈訓竊思封禁山內有箇齊陽王在裏頭姓

硃批諭旨

吳

徐本

聖恩諄切訓誨務期徹底究明絕其根株斷不敢少有
草率以致貽害地方除現在行提江西應質要犯
一十五名俟解到之日再加確審按律定擬另行
奏報外所有微臣抵浙後初審供情及尚在提犯究
擬情由理合先行奏報密與查尚未回辦而四月
聞伏祈 聖鑒 謹 奏
皇上睿鑒 臣等謹 奏
奏 聖 鑒 謹 奏
覽奏已悉殫精研審絲毫毋涉疎縱 吳士榮突屬賄
工部尚書臣徐本謹 奏

奏爲恭報浙省春收情形仰祈

睿鑒事竊照浙省菜麥今歲佈種甚廣臣從江南赴杭
一路查看郊野之間極其茂盛今抵杭月餘雨水
亦復調勻訪之鄉人咸稱菜麥目下漸次登場俱
有十分收成閭閻甚是欣慶至杭嘉湖等府因入
夏以後天氣微寒蠶收未免少減相應一併奏

聞伏祈

皇上睿鑒臣謹

奏

覽浙省菜麥豐收情形深爲可慶但目下都中缺雨殊

甚朕是用晨夕憂懷莫置也

何處且日不海中於南來

奏

皇土魯鑒亞勤何科到之目再加修補按律定案另

問外海外所有欲至抵新後務務供侍及前在極地

夏以資天餘難寒蠶外未與少刻時熟一冊奏

聞伏育十公外知間間甚景知遇至誠嘉賜等因入

皇上亦與臨吟指之樂人知縣茶麥目不漸穴登譽身

奏一祖查昏校理之間融其茲盤今壯壯民繪而水

魯鑒事蘇照池省菜麥今裁前蘇甚實引發工南快就

奏為恭辨諸省春郊耕沃仰祈

奏為恭辨諸省春郊耕沃仰祈

硃批唐執玉奏摺

雍正七年七月十五日署理直隸總督左都御史

臣唐執玉謹

奏爲遵

旨查奏事本年六月十三日大學士臣蔣廷錫傳

旨將巡農御史舒喜請建清河倉房一摺交臣查奏臣

奏到任之後卽細加訪察查舒喜至清河地方其時

知縣王瀧業已告休委署試用知縣郭二成不過

暫行署理似無賄囑之人再查直隸州縣現奉

恩旨蓋造倉廩臣以各州縣估價浮多現在嚴行核減

硃批諭旨

唐執玉

思旨并欲另委賢員責令估計不敢聽其冒銷亦無賄
囑之項再臣細查歷任知縣告休叅處多由倉穀
不清則舒喜所告未委署局因缺繼聘二員不嚴
奏似非虛妄相應據實奏查舒喜至肅州缺式其執
聞謹巡撫喻史舒喜請裁肅州倉庫一節交臣查奏
奏奉事本年六月十三日大學士臣陳弘謀等
據奏如此則凡似清河縣者俱當作速修整料理不容
延緩

雍正七年八月初九日署理直隸總督左都御史

臣唐執玉謹

奏爲恭報秋禾收成分數事竊照直隸秋成分數據
各道府由布政司轉報到臣查霸昌道屬收成有
十分九分及七八分不等永平府屬收成有九分
八分七分不等保定府屬收成有十分九分八分
不等河間府屬收成有十分九分不等天津州屬
收成有八分七分不等正定府及五州屬收成有
十分九分八分不等順德府屬收成有十分九分
及七八分不等廣平府屬收成有十分九分八分
不等大名府屬收成有十分九分八分不等宣化
府屬收成有十分九分及七八分不等今歲秋成

洵稱大有臣目覩豐亨不勝欣忭惟霸昌屬之武
清一邑夏間大雨時行河流暴漲堤岸衝激致被
水災荷蒙不棄與平秋圖外如育十合大合八合

皇上軫念民生發帑賑濟訓勅秋圖外如育十合大合
天恩浩蕩士庶歡騰又據隆平縣詳報農民岳迪吉等
呈送耜田內所產瑞禾一莖雙穗碩大堅好共有

三十三本臣欽遵

諭旨停其

進獻飭令敬貯如屆轉詳隆平查覆昌巖圖外如育
先農壇宇以誌休徵合并奏禱熙直隸縣外如合樓

聞謹

奏

覽秋收分數深慰朕懷

同日又

奏爲

聞事竊據保定府清苑縣詳稱本年閏七月二十九日

夜四更時候監內賊犯乘禁卒睡熟有孫京趙大

力趙虎兒魏七兒柳老包五名扭打鎖鑰挖通監

牆越獄脫逃等情臣卽嚴飭在城各營弁兵協同

地方官嚴加查緝當將魏七兒等四名拏獲收禁

硃批諭旨

三

唐執玉

外尚有柳老包一名未獲臣復飭令在城官役密
行查拏續據清苑縣詳稱於八月初二日又將柳
老包拏獲以上越獄賊犯五名俱已全獲等因到
臣查定例越獄逃犯當時卽行拏獲者免叅疎防
聞事咨部備案等語今清苑縣越獄賊犯五名俱已全
奏獲除檄令按察司查明刑書禁卒人等有無賄縱
情弊另案歸結并照例咨部備案外事關省城賊
犯越獄臣不敢以已經全獲匿不奏

聞爲此謹

奏

知道了越獄賊犯當加倍處分以示儆戒何並未議及耶

雍正七年八月二十九日署理直隸總督左都御

史臣唐執玉謹

奏爲覆奏事竊本年閏七月二十九日清苑縣賊犯

孫京等越獄脫逃一案經臣將脫逃復獲緣由繕

奏摺具

望奏奉有

硃批臣捧讀之下不勝惶悚伏查賊犯越獄臣已咨明

奏刑部使將來加倍治罪有案可稽乃

硃批諭旨

四

唐執玉

奏摺內未及聲明甚屬疎漏粗率之罪實無所辭
聖恩寬宥爲此謹

奏摺具定例越獄逃犯當時即行拿獲者免其
似此疎漏向後不可

奏奏爲奏事錄本年閏十月二十七日
聞事前任張家口城守營叅將守備等官將下堡城
壕令民自行填平蓋造房屋又將操兵教場週
圍空地令民耕種伊等取租入己費用相沿以
來歷經數任於雍正三年緣原任萬全縣知縣

王德懋與原任叅將韓勛不睦卽將此項房屋
地畝租價緣由查明通詳伊該上司從此叅將
守備將此項房地租銀竝未收取迄今五載地
方官員竟無定著因無收租經管之人小民誠
恐現今無人收租日後至有累及家產之虞一
年所得租銀計二三百餘兩現今五年未行收
取共有一千餘兩懸擱無著臣思此項房基地
畝俱係官地則此項租銀相應交與地方官員
查明入官及今不行查收以至年久積多一時
收取而民不能交納反滋苦累若將此項租銀

奏
交與直督查明定議不惟小民不至年久積多
一昔時不能交納而錢糧亦不至兩懸致有虧欠
矣爲此謹

奏

地方上類斯等件雖屬末節亦皆應次第料理者朕若
不勤察好問何由得聞封疆大吏固可以籩豆之事卸
責有司而該州縣亦竟置之膜外汝等寧不當過而問
耶再者王德懋通詳案內韓勛有無冤抑處亦當察明
摺奏以聞

雍正七年九月二十六日署理直隸總督左都御

史臣唐執玉謹奏
奏爲覆奏事竊臣查張家口城守營叅將守備將下
堡城壕令民填蓋房屋又將教場空地令民耕種
取租一案雍正三年正月十八日原任宣化鎮臣
許國桂據張家口鄉約王榮瑞等具呈內稱本堡
有官地民房韓叅將等私取房錢舖民受累等因
移咨原任總督李維鈞又據原任叅將韓勛呈稱
本營把總署東空地又堡外城壕及教場空地租
與民人蓋房每年把總收銀五兩六錢守備收銀
八十三兩叅將收銀不及六十兩等因隨經李維

鈞飭查去後嗣據原任萬全縣知縣李三光造送清冊各數俱與營報之數相符歷任督臣往返批查亦未卽行定議延至本年三月十五日始據萬全縣現任知縣修鑑確查此項租銀每年叅將實收銀九十六兩零守備實收銀一百三兩零把總實收銀五兩六錢通共二百五兩七錢各地戶租種教場地畝歷年收租穀七十二石零租銀二十八兩零內除在萬全縣納本色糧三十三石零又籽粒銀三兩八錢零係入奏銷之項其武職衙門所收房租地稅除納糧外每歲約可餘銀二百七

十餘兩或自雍正五六年起著地戶照額輸租歸
入正項等因具覆而張家口叅將沈力學又請將
此項房地租稅照舊催收以資公用具詳前署督
臣楊鯤隨行口北道宣化府妥議去後至今未據
查覆臣現在嚴催俟覆到核實具奏外謹先奏
聞至於韓勛從前犯案重疊俱蒙
皇恩寬免發往安西當兵效力今查此事亦無冤抑相
應一併
奏明所有奉到

硃批奏摺一扣合先恭繳謹

硃批諭旨

新奏奏謝旨昨合央恭維萬全縣知縣李三光送

覽奏已悉自奉誥與營之數相符歷任督學

昨張璨到京備奏卿不惜心力辦事精神甚覺勉強暫時尚可支持若爲日長久病軀恐不能堪等語朕聞之深爲軫念卿自履任以來辦理諸務公勤不懈一切奏對咸出於誠敬兼且明悉無遺朕甚嘉之當節省無益之勞於瑣細案件何必過費精神百凡惟總持大綱其餘委之兩司各屬員以責其成無庸一一躬親料理也朕因一時不能得人故委卿於此劇任大約明春二三月間史貽直可到意欲命來代卿今特遣冀棟至保診

視調治商酌藥餌其加意攝養痊愈以慰厯念卿暨兩
司皆到任未久新歲朝賀不必來京特諭

雍正七年十月十五日署理直隸總督左都御史

臣唐執玉謹

奏爲奏

聞事本年十月初六日臣齎摺千總捧到

硃批諭旨初九日宗人府府丞臣冀棟奉

旨到保宣傳

上諭并

欽賜人參二觔臣望

硃批諭旨

闕叩頭祇領訖伏念

皇上高厚之恩逾於父母銘心鏤骨感激之切難以名

言臣今仰體

聖懷現在調養俟冀棟回京之日另行繕摺恭謝

天恩外合先奏

聞謹

奏

覽卿奏謝知道了遵旨加意調攝可也

同日又

奏爲恭報瑞雪及時事竊直屬地方雨暘時若禾稼

豐收今二麥在地正賴冬雪及時來春土膏滋息
得以茂實茲保定郡城於十月十一日自亥時起
至十二日寅時止天降瑞雪隨落隨消據清苑縣
查報入地一二寸不等其各屬得雪分寸俟報到

另行彙

奏外所有保定郡城現得瑞雪緣由臣謹具摺先行

奏

聞謹

奏

都中得雪盈尺乃保郡雪消入地止一二寸何咫尺之

殊批諭旨

九

唐執玉

間如是迥異耶實出朕之意外

雍正七年十一月初四日署理直隸總督左都御

史臣唐執玉謹

奏爲請

旨事竊照直屬各營馬步兵丁春季糧餉若俟各屬徵解到日支放必得二三月間兵丁難以久待是以

歷來督臣奏懇乞不俟其谷熟將糧食支放時

皇仁借動司庫存貯銀兩於上年冬底預行支給俟部

撥之後徵解到日卽行清扣還項由來已久今據

布政使王暮呈請將直屬各提鎮協營廳并各駐

防應需雍正庚戌年春季餉銀二十五萬六千九百四十兩零循例在於司庫現存雍正七年地糧銀內照數先行撥解各司餉之道府州衙門按名散給以資兵食等因前來理合具摺奏請

皇上天恩循照往例將庫貯銀兩預行借給俟部撥徵解到日扣還歸款於兵丁實爲有濟臣未敢擅便

皇上睿鑒施行謹恭摺

奏

此項兵餉自應循照舊例預行借給所奏知道了

硃批諭旨

十

唐執玉

雍正七年十一月初九日署理直隸總督左都御

史臣唐執玉謹

奏爲再陳下悃恭謝

天恩事本年十月初十日宗人府府丞冀棟來至保陽

宣傳

諭旨命臣凡事總理大綱愛養精力并辭餘對暗幾道

賜人參二觔資其食等因前來野合具辭奏請

天語周詳照煖衣衾餅飯各同贈多歡佩出衙門無不

聖恩稠疊臣恭膺詔同茲欣同其更其奉五十年此

曠典感激涕零隨經冀棟診脈立方專用溫補之劑迄

今一月精神較勝從前步履亦覺輕便自此有生
之年皆出天恩賜倘臣不卽填溝壑誓當勉竭駑駘以繼臣未
皇上恩賜倘臣不卽填溝壑誓當勉竭駑駘以繼臣未
盡之志而已爲此謹奏

奏

覽卿奏謝知道了仰遵前旨愛養精神加意調攝量力
辦事嗣後有仍須冀棟斟酌方藥處卽行奏聞保郡密
邇可再命伊前往也

雍正七年十二月初八日署理直隸總督左都御
史臣唐執玉謹

硃批諭旨

十一

唐執玉

奏爲懇

賜陞見以達愚忱事本年十月初六日奉
硃旨臣暨兩司皆到任未久新歲朝賀不必來京欽此

臣理應恪遵但臣賦性迂愚到任半載一切事務
雖未能詳悉周知而於地方情形目覩耳聞亦已
畧見一二其中備細有摺奏所不能盡筆墨所不
能宣者茲當封印之後案牘清閒容臣扶掖入都
備陳一切庶得親承聖訓當效愚誠以冀日未
指示有所遵循或於地方稍有裨益再查按察司姜穎

新請

訓未久無庸復請

陞見至布政司王暮到任將及一載併乞

俞允隨臣進

見以遂其嚮往之誠臣不勝激切待

命之至爲此繕摺請

旨謹

奏

既有面奏之事歲內且不必來新正十二日朕恭行

祈穀大典之後約於十三日至圓明園駐蹕卿於初十

日自保起程十三日可抵御園候旨進見王暮不必俱

硃批諭旨

十二

唐執玉

來

來將將狀狀十三日回將將園刻日數良王暮不必用

據此與都察院左都御史臣三泰謹

奏為據稟奏

聞事竊臣族弟明亮蒙

旨皇上天恩於雍正六年四月內

命特放熱河理事同知又於本年十一月內奉

旨旨調任永平府理事同知今據明亮將熱河稅務一

事具稟前來看其字內為

摺具國課起見合將原稟一竝恭呈

御覽謹

奏

此事可密查確實詳議奏聞前據楊鯤奏請將陳肇奎
調補熱河同知朕心疑之著將陳肇奎在彼居官優劣
如何之處亦一併察明具奏以聞

同日又

奏爲遵

旨查議事竊臣奉

皇上發到左都御史三泰奏摺一扣并永平府同知明

亮原稟一件奉有

硃批諭旨臣查明亮所稱熱河稅銀若果儘收儘解實

硃批諭旨

三

唐執玉

可收銀五六千兩等語又稱若將榜什營三岔口等處一併徵收則商販貨物無從走漏竟可與張家口所收二萬兩之數不相上下等語臣隨遣人出口備細稽查此項稅銀原無一定之額如遇豐稔之年口外糧食絡繹進口則同知陳肇奎所報四千五百兩之外實有盈餘若遇歉收之年則貨物希少正額尚恐不足故止以四千五百兩爲折中定額是明亮所稱儘收儘解實可收銀五六千兩之語止據豐收之歲而言雖未可定爲章程其言亦非盡屬虛妄至所稱榜什營卽巴克什營也

離古北口外七里爲熱河喀喇河屯之總路又東北十八里爲三分口爲鞍匠屯紅旗營十八里汰一百家蒙古驛站之總路係行人往來出入之區非商賈貿易之地竝無貨物可以抽收且巴克什營離熱河一百八十餘里熱河旣已收其落地稅而巴克什營又抽其過路鈔銀則一百八十里之內抽稅兩重恐商賈裹足不前或致正稅缺額是明亮所稱榜什營三分口一併徵收可與張家口二萬兩之數不相上下之語殊難憑信至明亮所稱牙行陳金玉者原係先在熱河私侵客稅之陳

國瑞改名陳金玉克認牙行舞弊作姦爲同知陳肇奎斥革遂與先經革退之牙行許登科等赴部具呈每歲願認額徵銀三千三百兩今陳肇奎所報已至四千五百兩與陳金玉所認之數多寡已屬懸殊又明亮所報伊任內半年盈餘共報出銀九百五十餘兩通年計算亦止一千九百餘兩今陳肇奎所報較之明亮所報又屬浮多揆此情形恐係陳金玉等被逐不甘希圖報復故爲張大之詞以遂其姦狡之計卽明亮亦墮其術中而不知也但熱河地方旗民雜處陳肇奎身係閩人於蒙

古語清字文茫然不解人地實不相宜再查陳肇奎現在居官雖無貪劣確據但其居心頗欠誠實臣久已疑之據臣愚見熱河稅務似應仍照四千五百兩之數徵收將陳肇奎調歸內地就近試用遴選滿洲誠實人員責令儘收儘解俟一二年內權其所收之多寡以爲定額倘日後所收溢於四千五百兩之外卽在陳肇奎名下照數追賠庶人地相宜於國課亦有裨益矣爲此謹

奏

於此一事陳肇奎明亮等二人朕皆不能無疑另委滿員試驗甚爲得當候朕斟酌一優者再降諭旨

雍正八年正月二十五日署理直隸總督左都御

史臣唐執玉謹

奏爲奏

聞事竊臣查永平府屬遷安縣知縣王孔彰詳報教諭賀耀祖與訓導張世寧之子竝伊親陳姓顧姓肆行賭博又據教諭賀耀祖等詳報知縣王孔彰受賄縱令劉思毅私開燒鍋并短發工食違例受呈與坐轎經過

文廟等款據永平府及布按二司詳揭到臣經臣題
叅奉

旨這所叅賀耀祖著革職張世寧著解任其互訐各款
情由及本內有名犯證該督一併質審定擬具奏王
孔彰不必革職亦不必解任如有質對之處令其質
對該部知道欽此欽遵飭審去後今審明賀耀祖賂
博是實按律擬罪其王孔彰違例受呈坐轎經過
文廟二款審無其事但王孔彰縱開燒鍋受賄銀二
百餘兩已自行承認至短發工食祭祀等銀約四
十餘兩亦各役供詞有據臣查遷安縣知縣王孔

彰於燒鍋案內受賄又扣剋工食等銀婪贓不法
既經審有實據似應將王孔彰題叅革職究擬理

文合先行具摺奏事

聞謹將是實對事擬罪其王孔彰等受呈坐辦等

奏請將王孔彰等革職究擬理

王孔彰革職究擬理所當然何待言耶前旨不令解任
者或恐教官有挾怨詆誣情弊耳今既審有實據朕亦
何所顧惜而欲縱此貪吏殊屬多此一奏向後但須秉
公執法而爲之類此等事朕便諭令姑容猶當力爭豈
特不必預爲奏請朕以汝爲深知朕意之人今卽此觀

之則汝竟未能領悉朕意也

同日又據各屬雪正七年宮中得雪正七年東城得
奏爲續報得雪事竊查上年十月十一月所得瑞雪
地方經臣具摺奏

聞今復據各屬續報前來除得雪一二寸者不敢繁敘
外查昌平州及順義懷柔二縣於上年十二月二
十六七八等日各得雪四寸延慶衛得雪八寸通
州得雪一尺餘寸再大城東安二縣於雍正八年
正月十六日各得雪六寸霸州於正月十六至十
七日得雪一尺餘寸文安永清二縣並延慶衛各

得雪四寸固安縣得雪八寸清苑縣得雪一尺餘
寸安州得雪五寸安肅縣雄縣得雪六寸唐縣得
雪三寸祁州得雪四寸蠡縣得雪八寸深澤縣得
雪九寸滿城定興完縣慶都四縣各得雪六寸易
州高陽博野三州縣各得雪五寸新城新安容城
間今三縣各得雪八寸河間故城二縣各得雪五寸正
定元氏二縣各得雪七寸井陘獲鹿二縣各得雪
何表一尺欒城行唐平山三縣各得雪四寸贊皇武邑
公執衡水三縣各得雪五寸南宮縣得雪三寸棗強新
志河隆平栢鄉高邑臨城寧晉七縣各得雪五寸武

強縣得雪八寸饒陽安平無極三縣各得雪五寸
藁城縣得雪六寸曲陽新樂二縣各得雪五寸鉅
鹿縣得雪四寸唐山縣得雪三寸延慶州得雪三
寸所有各屬續報得雪緣由臣謹具摺恭
奏以慰
聖懷謹

畿輔州縣得雪優渥朕以手加額覽焉

雍正八年三月十七日署理直隸總督左都御史
臣唐執玉謹

硃批諭旨

六

唐執玉

奏爲請

旨事竊查密雲城外白河夏秋之交山水暴漲直逼城

西是以沿河一帶舊築石子大堤以護城身復築

土堤沙堤木壩以護石堤惟是河流迅急土木堤

壩不能捍禦近年以來衝刷殆盡所存僅有石堤

一道倘石堤再或被衝合邑人民難免水患先據

密雲縣知縣吳璪詳請興修復據調任霸昌道張

慶曾以築壩塞流未能一勞永逸議請於河身之

西自李家莊至師家莊另開新河一道由北口直

趨南口水勢得洩可無泛溢之虞其言似屬近理

經臣於本年正月十四日面奏欽奉
諭旨以築壩挑河不可偏廢令臣委員查勘詳悉奏

聞臣隨委現任霸昌道李如梓等詳勘去後據稱李家莊至師家莊八百餘丈地勢高出河身三丈有餘若開挖新河大費人力更須多築堤壩堵塞舊河東口方可引順流之水歸入新河否則仍然旁溢而應築堤壩之處又直當正衝堤壩難於築立徒糜重費無濟於事卽舊設之沙堤土堤木壩俱橫攔急湍山水奔騰直下與壩相激縱使多費物力旋築旋衝究無裨益詳察河形上有土嘴以逆水

性下有堤壩以遏水勢是以泛溢瀰漫驟難洩瀉
議請挑去土嘴寬讓河身使水暢流直趨南下併
請貼近河身另築堅厚土堤一道以幫石堤堤根
用榆圉載石以固其基務使石堤完好則城垣鞏
固舊日被衝之堤壩俱無庸更議修築以省糜費
據估挑挖堤嘴築立幫堤共需工料銀四千四百
四十兩零臣隨將先後各議再四審度李如梓等
聞引所議順水之性事易成功合之疏濬之法似屬允
當宜謹將送到圖形恭呈合部委員查核結奏
御覽如或可行應請於司庫所貯雍正五年耗羨銀內

旨再動用給發擇日興工爲此繕摺請

旨謹

奏

覽所議甚屬妥協作速興工務令於夏月發水以前告竣照例咨明該部存案可也

同日又

奏爲請

旨事竊查密雲城工自康熙五十五年興修之後迄今

尚有五年城垣漸次坍塌歷據該縣正署各員詳

請修築前任督臣駁查核減未經奏

硃批諭旨

三

唐執玉

聞臣署事後復據布政司申報請修臣隨飭委道府等
員查勘確估去後茲據造冊詳報前來臣親加核
計車減通計坍塌城牆陂岸海漫土牛夾道等項共
奏千四百二十六丈零共需人工物料銀九千九百
六十六兩零據稱實係必需委無浮冒應請於雍
正三年耗羨項內照數動撥給發修理臣再令加
意節省如有餘剩解還歸款除工料細數統候
奏報完工另行核實造冊送部外所有動帑修理城

工緣由理合具奏請

旨再查雍正七年八月二十四日奉

旨嗣後修理城工俱交與該督撫布按每人各管一處
若止一二處者則令挨管欽此欽遵今密雲城工應

臣保固合併奏

聞謹

奏

一應物料等項并興工日期應咨明該部者咨部存案

雍正八年三月二十六日署理直隸總督左都御

史臣唐執玉謹

奏爲恭報得雨事竊臣查今歲春間積雪之餘繼以

雨澤麥苗茁長欣欣向榮二月二十五三月初五

初八等日各州縣所報得雨分寸自一二分至五
奏六分不等臣擬俟各屬到齊彙行奏報乃自本月初八日大名府屬得雨之後經今半
月各州縣竝無報到又兼二十一二等日大風迅
發風高土燥於田稼頗不相宜臣目擊情形不勝
憂懼隨於二十四日禁止屠沽率同文武各員設
壇祈禱二十五日陰雲布濩時雨沾濡據清苑縣
報稱四鄉得雨自二分至五分不等雖未據報霑
足而土膏潤澤田禾滋長民心頗安臣現在仍率
司道各官虔誠祈禱俟各屬報到再行具

聞奏先此奏

聞謹

奏

昨據清查地畝官員回京奏稱在完縣地方經遇兩三次透雨何摺內竝未言及似此汝於地方諸事總未之知也諺云百里不同風從未有通省風雨如一之理乃不逐處留心察訪但欲保定雨暘應時而置他州縣於不問是何理耶正因汝以目前區區私心從事祈禱所以四境頗皆霑足而獨保郡僅得五分雨澤今後若不恪秉忠誠之念以感格

硃批諭旨

三

唐執玉

天地神祇徒恃禁屠設壇虛文希冀嘉澤下降則大誤矣

雍正八年四月初一日署理直隸總督左都御史

臣唐執玉謹

奏爲據實陳奏懇

賜處分以懲溺職事竊臣於恭報雨澤一案自知辦理

錯謬未奉

諭旨之先臣寢食不寧已數日矣查從前各屬報雨臣

奏智識短淺以爲尚非望雨之時怠忽因循未經

聞奏報及至半月無雨難以奏

聞又不將從前遺漏緣由檢舉補

報到再行具

奏乃復循襲具文設壇祈禱愈辦愈錯怠忽如此溺職之罪實難自解除將三月二十五日以前未經

奏

聞及三月二十五日以後現應

奏報者分繕清摺恭呈

御覽外伏乞

肯實心效力與否豈在飭部議處耶

皇上敕部嚴加議處使臣戴罪效力知所懲戒不致怠

忽因循有玷厥職則叨沐

天恩無既矣臣不勝慚愧悚惶之至謹

奏

覽

署任總兵蔡永文居官何如詳加訪察據實具奏以聞

雍正八年四月十五日署理直隸總督左都御史

臣唐執玉謹

奏爲續報雨澤事竊臣查四月初二日以前各屬報
奏到所得雨澤經臣具摺

奏報今據各屬續報前來除得雨一二寸者不敢繁
敘外大城縣四月初八日得雨三寸昌黎縣四月
初四日得雨三寸唐縣四月初八日得雨四寸河
間阜城東光三縣各得雨三寸寧津縣得雨四寸

吳橋縣得雨五寸天津州大雨四野霑足靜海縣
滄州各得雨三寸慶雲縣三月二十五日得雨三
寸鹽山縣得雨三寸平山縣四月初八日得雨三
寸井陘縣得雨五寸棗強縣得雨六寸衡水縣得
雨四寸武邑縣得雨三寸深州得雨三寸新樂縣
得雨三寸清河縣得雨四寸威縣得雨三寸大名
元城二縣三月三十日各得雨四寸四月初四日
各得雨三寸清豐縣魏縣各得雨三寸東明縣得
雨五寸南樂縣得雨四寸開州得雨五寸蔚縣三
月二十五日得雨三寸懷安縣四月初一日得雨

三寸俱稱霑足查各屬得雨月日不同而報到亦有遲速是以參錯不齊除俟各屬再有報到另三奏外所有現在得雨緣由臣謹具摺奏

聞謹

奏

據奏得雨分寸尚未霑足仍當竭誠虔禱可也但諸如此奏切勿聽信有司捏報以多爲少致開迎合之門而貽掩耳盜鈴之誚虛僞二字朕甚不取戒之

雍正八年四月二十日署理直隸總督左都御史

臣唐執玉謹

奏爲奏明耗羨銀兩事竊查直隸雍正三
四五六等年耗羨自雍正六年開徵起至
年底所有已未完及動存各數經前署督
臣楊鯤於雍正七年四月內按年分晰開
具清冊奏明在案所有雍正七年正月起
至年底收除過三四五六等年并七年耗
羨已未完動存各數復行據布政使王暮
查明造冊呈送前來臣復加確核除將各
冊另行送部存案外所有逐年耗羨已未
完動存各數理合繕具黃冊恭呈

御覽伏乞

硃批諭旨

三

唐執玉

皇土睿鑒施行謹

奏

宗懌亦谷獲野合繫其黃冊恭呈再有報到另

章奏中凡遇此等事件朕止案過目而已從不更加察
核總在汝等秉公辦理不致後來人檢點爲是其中設
有出入不當存私朦混處曾奏過玉字亦豈能免咎況
經報部存案之事絲毫皆按款可稽也所奏知道了

雍正八年十二月十六日兵部尚書暫署直隸總

督印務臣唐執玉謹

奏

奏爲微臣戀

奏五六字問燈賦至筆刻世本月初未完

主情殷恭請

殊美題兩事辭查直隸奏五三四五六等

陛見以聆

聖訓事竊臣於本年正月十四日入覲

天顏荷蒙

聖諭周詳諄切訓誨使臣知所遵循感激之私銘諸肺

腑但臣才識疎庸雖竭盡駑駘而於地方事務終

愧未能妥協深恐措置失宜有負

皇上委任至意今計封印之後案牘簡少伏懇

天恩容臣率同布政使王暮按察使姜穎新恭請

聖安親聆

指示勉力奉行使得免於隕越庶於地方有益而臣犬

辭示馬依戀之衷亦少慰矣臣不勝激切待益而引大
命之至謹

天奏容臣率同本苑對王暮對察對姜蘇謙恭請
仍照依去歲諭旨於新正起程來京可也

雍正九年三月初十日兵部尚書暫署直隸總督

印務臣唐執玉謹

聖奏爲恭報雨澤事竊照直屬上年冬底得雪深廣在
天時在土膏滋潤雖不十分需雨然時當季春麥苗得
聖時雨發生更盛豐稔可必今據順天府屬之涿州申
聖報三月初六日得雨六寸保定府屬之清苑安肅

定興容城高陽新安六縣申報是日各得雨三寸
涿水慶都易州三州縣各得雨四寸滿城縣得雨
五寸咸稱四野均霑農民歡悅等因前來除各屬
所得雨澤一二寸者甚多俱不敢繁敘并俟報到
奏報外所有直屬得雨緣由臣謹先行奏

聞謹

奏

春雨滋苗最爲難得覽奏曷勝欣悅

雍正九年四月初十日兵部尚書暫署直隸總督

硃批諭旨

三

唐執玉

印務臣唐執玉謹

奏爲據實陳奏事竊直屬河間大名等府上年偶被

水災荷蒙

皇上特遣廷臣分路賑濟發帑發粟蠲免停徵冬春之

麥間復准平糶倉糧出借社穀拯恤

洪恩逾於常格直屬生民早已安居樂業更無乏食之

虞矣惟大名府屬之開州東明長垣三州縣上年

雨水過多而長垣一邑西接蘭陽東連曹縣被災

尤甚臣深切隱憂入春以來經臣絡繹稽查前後

捐穀一千五百餘石捐銀七百兩飭令地方官設

法賑濟以待麥收現在青苗倍茂豐稔可期雖多
就賑之民而民情尚覺安堵今蒙

聖德如天有加無已復

命臣與副都統臣趙弘濟會商加賑茲已欽遵

諭旨委員分路稽查其被水尤多應行加賑者飭令核
實賑濟外至開州東明長垣三處亦已多委幹員
跟隨趙弘濟前往親查酌量加賑務使民沾實惠
延至二麥登場以仰副

皇上愛育元元之至意先此具摺奏

聞謹

奏

地方上類斯民間疾苦猶煩朕之厪念汝等寧不愧赧耶

同日又

奏爲恭報雨澤事竊照直屬各得雨澤分寸經臣具

摺奏

聞今復據各屬續報得雨前來查長垣東明二縣三月

初八日得雨三寸涿州四月初五至初六日得雨

五寸永清縣得雨三四寸不等密雲順義房山完

縣滿城涞水六縣四月初五日各得雨三寸唐縣

得雨五寸俱各霑足餘俟再有報到另行

奏報外所有現據申報得雨緣由臣謹繕摺奏

聞再查順天府屬之良鄉固安永平府屬之盧龍遷安
撫寧豐潤保定府屬之易州清苑慶都安肅定興
容城河間府屬之河間獻縣正定府屬之正定井
陘贊皇獲鹿順德府屬之邢臺廣宗唐山沙河鉅
鹿內邱南和平鄉任縣廣平府屬之永年曲周邯
鄲清河威縣成安雞澤大名府屬之開州元城南
樂直隸趙州併所屬之柏鄉高邑臨城寧晉隆平
直隸深州併所屬之饒陽直隸定州併所屬之曲

陽新樂等四十八州縣據陸續申報於三月初八
初十二二十三及四月初一初五六等
日各得雨一二寸不等因未及分寸不敢逐次繁
敘合併陳明爲此謹

奏

畿內前此得雨俱未霑足近日以來頗覺氣候調和或

可普被

天澤也

奏雍正九年五月初十日兵部尚書暫署直隸總督

印務臣唐執玉布政使臣王暮謹

奏爲欽奉

上諭事竊臣等欽遵

諭旨會同副都統臣趙弘濟料理加賑一案隨將上年
散賑冊檔逐一查核并委雄縣知縣謝應魁等跟
隨趙弘濟前赴長垣東明開州三處查看料理其
餘如大城景州交河吳橋沙河南河任縣永年邯
鄲雞澤衡水武邑青縣滄州東光等處亦係上年
被水稍重之區亦經遴委賢員會同各地方官確
查一體加賑去後茲據各委員及該地方官查明
現在平糶倉穀市價已平有地之家固可待至麥

收無地之人亦得營工餬口且有借給社穀資其耕作竝無失業乏食之人逐一出具印結申覆無庸加賑外其開州東明長垣三州縣臣等仰體皇仁酌量加賑二十日仍照上年大口日給穀一升四合小口日給穀八合開州共賑過窮民大小口八千二百口東明縣共賑過窮民大小口二千九百三十口長垣縣共賑過窮民大小口一千八百五十三口其長垣縣原未被水而現在粥廠領賑貧民又賑過大小口二萬八千六十四口各州縣窮民歡聲載道於賑務告竣之日俱執香羅拜嵩呼

萬歲叩謝
天恩所有已未加賑緣由理合奏聞謹

奏不
萬姓感戴朕恩且置勿論其如怨汝何

雍正九年五月二十二日兵部尚書暫署直隸總

督印務臣唐執玉謹

奏爲恭報二麥實在收成分數事竊照直隸二麥收
成分數經臣確查去後據各道府州陸續呈報到
臣查順天府屬實有十分九分并八分七分不等

永平保定二府屬俱十分九分并八分不等河間
府屬九分天津府屬九分八分并七分不等正定
府屬十分九分并八分不等冀州屬十分九分并
八分七分不等趙州屬十分九分并八分不等深
州屬十分晉州屬九分八分不等定州屬十分并
八分七分不等順德府屬九分八分并七分六分
不等廣平府屬十分九分并八分七分六分不等
大名府屬十分九分八分并七分不等咸稱二麥
收成豐稔物阜民安等情前來臣謹恭摺奏
聞再查順德府屬之邢臺內邱二縣於五月初三四等

日有五廓霍樓等七村莊偶值冰雹經委員確勘
除內邱縣之五廓等四村莊業據查明麥已登場
損傷甚少例不成災其邢臺縣之霍樓等三村莊
俟勘明實在情形另報外合併陳明謹

奏

聞昌平一帶地方近日望雨甚殷且通省雨澤均屬未
足當竭誠自返省察吏治可也

同日又

奏爲據實陳奏事竊臣前因天津新設府治規模初
定事務紛繁宣化府知府馬益新承

訓旨似欲勉圖報效而北路軍需俱係口北道王棠張
泰家口同知白石辦理知府天官或可通融調補故
臣冒昧

奏請而宣化一缺緊要甚於天津未曾計及臣之愚
昧咎實難辭今詳加揀選廣平府知府李梅賓刻
奏苦自勵不辭勞瘁不尚虛名

計典中經臣附薦荷蒙
俞允准其卓異在案如以陞銜調補天津知府人地似
屬相宜再天津縣一缺亦係緊要前以試用人員
萬申祺擬補近見該員設心狡詐卽長垣煮賑一

事不惟不行捐助且於公捐項下尚有侵漁臣現在飭查未便復行擬補清河縣知縣徐而發屢經委署於地方事務俱能盡心料理以之調補天津縣缺自能勝任再蘆溝橋西路同知一缺臣以雄縣知縣謝應魁擬補河間府河捕同知一缺臣以定州知州王大年擬補前准部咨俱以不合例駁飭令臣另行揀選臣查通屬一百四十州縣合例者止一二人其餘簡僻小縣僅能供職俱非可調之員臣實出於萬不得已敢祈

皇上俯念用人之難破格錄用或另行

敕部揀選補授臣因地方起見斷不敢稍有私心固執

己見貽誤將來伏望

聖明垂察爲此謹其繪圖繪小綽勒指共鄰具非何隨

奏請令臣民行刺要查賊風一百四十限總合圖

類斯違例保題只宜偶一行之豈可爲常除此不合例
者再無可調之人是何言歟所擬數員果皆超卓之才
乎恐亦未必然若實有萬不得已處據情再行題請併
將人員送部引見候朕酌定盡心揀選以副簡天

雍正九年六月二十二日兵部尚書暫署直隸總

督印務臣唐執玉謹奏

奏爲續報雨澤事竊查直屬州縣得雨分寸經臣前
已具摺報

聞今復據各屬續報得雨前來除得雨寸餘及二寸之
處俱未及分寸不敢逐一繁敘外查順天府屬之
涿州六月十九日得雨二三寸不等昌平州薊州
六月十五日各得雨三寸梁城所六月十二日得
雨三寸永平府屬之玉田縣六月十五日得雨三
寸保定府屬之祁州六月二十日得雨三寸俱各
霑足所有各屬申報得雨緣由合行

奏報再查良鄉等州縣聞亦得有時雨臣現在飭查

奏俟查有分寸另行摺報合併奏報雨澤既查
聞謹

奏七月初五日各處雨澤由合行

據奏雨澤分寸果係我君臣能感六月十五日各

天和之所致耶朕已代汝深為慶幸但未知汝曾思及朕
亦似汝之厚顏否

朕身未及七十不煩一縷餘收查即天恩

聞今更勉各處雨澤雨前來斜縣雨七鎰又二十之

已具

奏為辭辦雨澤事

硃批繆沅奏摺

內閣學士臣繆沅謹

奏臣於雍正六年四月二十日奉

旨差審叅革原任蒲臺縣知縣朱成元家人張士榮叩

闕控告告休蒲臺縣知縣王僧慧一案臣於五月初

二日至濟南本日行文巡撫咨提原狀內官犯人

等竝提原卷十五日准巡撫將人犯文卷解到臣

卽隔別研訊據成元供稱原有那移銀六千餘兩

尚有民欠七千兩可抵王僧慧已據實詳明布政

司批允臣查布政司詳文止有批查字樣而成元

捏稱已經批允所控已誣成元又供稱僧慧違例
預徵新泰縣六十六兩一年帶徵錢糧全完將
銀兩千四百餘兩婉求成元收受成元隨後又退
還僧慧取有僧慧蒲臺縣印收爲據查印收係硃
上蓋墨明係成元在蒲臺任內私留空白印紙後
亦開填假收朱成元所供預徵全完又誣又供稱僧慧
冒差威令經承李天錫等囑令里長李道恒等將民欠
奏捏報虧空出首圖賴銀兩等語均應刑訊因王僧
慧年老病篤不能受刑將僧慧管宅門家人孫榮
和同經承李天錫等十餘人各加刑訊俱堅供係各

役情急出首竝無威令囑令等情又據經承李天錫等供成元在蒲臺任內徵收錢糧令家人張成桂在宅門經收糧戶錢糧哄騙鄉愚止給串票不登流水簿又著里長李道恒等預繳錢糧五六十兩不等交管門人張成桂收入只給總票許其存算各花戶錢糧等語臣查朱成元在任年久地方熟悉既侵用倉庫而又陷害衆民巧於彌補移新蓋舊現在虧空共銀二萬六千餘兩朱成元自聞調任新泰之信明知虧空甚多萬難交代遂與收役張仲蘭等商議將成元項下侵蝕銀兩捏作民

欠暫掩交代俟到新泰設法抵項詎意到任甫及
三月新泰又叅虧空張仲蘭等恐禍及已隨將捏
造冊籍情由出首僧慧因有續揭三揭成元讐恨
令家人張士榮叩而又剖書衆民及就觀縣錄陳
聞希圖將虧空錢糧推卸與收書里民及接任之員
而冊籍有憑活口現在一堂之上吏書里民衆口
齊證隨將張成桂刑訊各款直認不諱其成元在
任將正項錢糧官侵吏蝕視庫項如已物現今刑
訊張弘圖王存義等十一人各名下共計侵蝕銀
二千六百餘兩其餘實係朱成元侵蝕供明在案

具

奏其虧空一案冊籍繁多現在行查謹

奏明恭候

諭旨臣臨奏不勝悚惕待

命之至謹

奏

朕總欲凡事得其實情將冊籍查明後具疏親帶來京進奏可也據奏朱成元誣控顯然如此則可惡極矣亟

當從重定擬將伊任所資產行令地方官詳查毋令隱匿並將其緊要用人嚴行看守防有免脫特諭

奏內閣學士臣繆沆謹

命奏臣於七月初七日接戶部知會奉

旨命臣同鹽臣鄭禪寶會查東省鹽政積弊臣遵

旨詳審朱成元案件不得親齎來京謹繕疏具

題恭請

聖旨其家產人口臣委員協同地方官詳查嗣據各州

縣造冊申送共估時值價銀二千八百餘兩其緊

要用人張成桂等現在收禁男婦八十六口分別

看守隨將各冊籍移交署撫臣岳濬收貯其歷城縣申送查出朱成元任內送銀禮簿有字賬三十本無字賬一本散賬二十八頁通計送銀禮賬二百七十三頁臣另繕疏具

題誠恐冒昧理合

奏明謹

奏

審理朱成元一案公明詳細殊屬妥協之至甚爲可嘉今清查鹽弊一事尤爲緊要亦應如是秉公破面辦理勉爲之

內閣學士臣繆沅御史臣鄭禪寶謹

奏臣等欽奉

諭旨清查山東鹽弊其重複影射阿城改包種種弊端
奏併積年侵蝕正課數目臣等查出業於八月內具
奏在案其引張短少之處訊據本商劉袞劉養才連
名公具保結內稱如有隱匿積引日後或被查出
或經首告商人等情甘重罪等語臣等不敢因有
衆商甘結不復察訪隨又細加密訪今訪得運司
殘引房書辦康福盛等向有偷匿殘引情弊現今
寄頓戶總科堂號房內臣等同運使梅廷對親往

搜查果於堂西號房內搜出雍正五年殘引一箱
隨將康福盛等鎖拏收禁又至康福盛等家內搜
出康熙七年至六十一年雍正元二三四等年共
殘引四萬四千五百五十七道又運使梅廷對在
書辦盧鼎爵家碾盤下搜出歷年殘引一萬五千
一百六十道呈送前來其引目細數另繕清摺恭
呈

御覽臣等逐加嚴訊康福盛等僉供歷年姦商書吏通
同藏匿殘引營私作弊是實臣等誠恐尚有搜查
未盡隨經出示曉諭諸商及書吏人等令其自行

出首臣等現今搜出殘引之內除雍正五年殘引
一萬七千五百六十九引交明鹽運使貯庫入五
年奏銷冊籍外其雍正四年以前殘引容臣等細
加研訊取具確供按律定擬仰副

皇上肅清鹽政至意伏乞來其臣等謹將

聖鑒謹

奏

覽

如此搜查嚴急此外再有藏匿者必至於燒毀滅跡然
亦不得不如此也

內閣學士臣繆沅御史臣鄭禪寶謹

奏爲奏明事竊查馬禮善案內以財行求之顧九臯
金恒基李生馥三人原擬杖徒今訪得並非正身
乃係辦商錢連城范錄陸維宸冒名充徒前經臣
鄭禪寶具摺

奏明奉

硃批諭旨可惡之極萬不可令免脫嚴審定擬具奏欽
此欽遵隨經刑訊錢連城等據供小的們是商人
顧九臯等夥計本商向來不在山東俱係夥計們
頂名行鹽辦課去年以財行求原是小的們做的

事後來塞巡撫批發張布政司楊按察司梅運司
會審時小的們會供稱過本名顧九臯的夥計錢
連城金恒基的夥計范錄李生馥的夥計陳瑗承
審官員亦不曾究問等語訊據合綱商人等全供
行鹽引名顧九臯本商顧憲臣引名金恒基本商
劉袞引名李生馥本商李芳州各商本身俱在原
籍去年頂替充徒原是錢連城范錄陳瑗冒名去
的因陸惟宸陳瑗俱是李生馥的夥計以財行求
是陳瑗值月做的事不是陸惟宸做的及至充徒
亦係陳瑗冒名頂替是實審據顧憲臣劉袞李芳

州全供錢連城等以財行求冒名充徒之處商人
遠在各省居住實係不知辦課夥計有干法紀商
人等情甘同罪有何辯處等語取供在案臣等現
將錢連城等交歷城縣收禁外容臣等按律從重
定擬繕疏具
題其承審失察各官塞榜額等一并
奏明聽候部議伏乞

皇上睿鑒施行謹

奏

具題到日有旨

硃批諭旨

七

繆

沅

再所奏清查追補一摺已交部議矣

奏侍郎

臣

繆沅御史

臣

鄭禪寶謹

皇奏爲奏明事竊據解任運使梅廷對詳稱自雍正元
年裁減鹽規後尙有耗羨銀二萬七千兩此內除
應解河工銅觔并運司養廉等項銀兩外尙餘銀
四千兩查山東各道員養廉俱止六千兩惟運司
養廉一萬兩似屬浮多應裁減銀四千兩每年應
節省銀八千兩自雍正五年三月莅任及今年半
共節省銀一萬二千兩自應歸入公帑現將此銀
封貯道庫聽候解交等語又據山東鹽運分司宋

懷金詳稱雍正元年一切陋規盡行裁革應解銅
勛銀兩及卑職養廉每年議留銀九千六百五十
兩除公私費用外自雍正二年二月到任及今共
餘銀一千九百七十一兩情願歸公等語據此臣
等查運使梅廷對贓跡累累未便因其一詳遂寬
其咎現在繕疏

題叅再查分司宋懷金除引商應交養廉外又多收
票商銀兩容臣等查明繕疏彙

題外所有梅廷對宋懷金舉首出羨餘銀共一萬三
千九百七十一兩理合

奏明解赴內務府廣儲司交納伏乞

聖鑒施行謹將武備宋對金舉首出義鎗鎗共一萬三

奏票商燈兩容張善查閱蘇杭彙對詳解自雍正元

此項銀兩不必解內務府仍應咨請部示遵行又多外

侍郎臣繆沅御史臣鄭禪寶謹

奏爲請

旨事竊新任運使唐綏祖已於九月二十日到任凡鹽

務一切積弊正需清理目今私販漸少額引不敷

自應增引增票現在檄行唐綏祖傳集引票衆商

公同妥議事關全省鹽政頭緒繁多必得運司專

心辦理庶爲妥協唐綏祖現署山東按察司印務
關係通省刑名事務殷繁勢難兼顧理合據實上
奏伏乞

皇上敕下督撫臣將按察司印務另委賢員署理則鹽
務刑名均有裨益抑臣更有請者山東鹽務自奉
旨清查之後私鹽斂跡官鹽不足民食臣等現在斟酌
增引增票因事關通省州縣不敢草率遽定誠恐

民虞淡食仰祈

皇上天恩敕部將東省雍正七年額引預發十萬道來
東令運司速催各商及時告運接濟民食俟臣等

議定酌增引票數目鹽臣按依年分赴部請領引
票時除去現在預給數目予轉移間商民均沾來
皇恩於無既矣理合繕摺請

旨謹

奏查步外絲鹽漁祖官鹽不足引食引等更在博酒

所奏是已諭部議行矣

此引更在請咨山東鹽務自奉

皇上慈不督撫臣親赴察同哨巡民委贖員署暨限鹽

奏升了切積弊正需清理日今私販漸少額引不敷

關利區省既各車絲銀銀禁辦兼顧鹽合熟實由

心辦駐無為受計與縣脈與署山東巡察臣臣將

硃批蔡嵩奏摺

提督雲南學政臣蔡嵩謹

奏竊臣愚鈍庸才荷蒙

皇上天恩拔置

內廷擢授今職

恩榮稠疊感激涕零跪辭之日親承

皇上訓諭諄諄臣敬聆之下銘心鏤骨必期殫竭犬馬

以仰答

聖謨之萬一莅任以來目擊滇中之風俗醇美民物恬

熙而省會諸臣工皆和衷體

國實心辦事仰見我

皇上盛德明威無遠勿屆而冀中之風俗賴美且

知人善任能使羣工咸感動奮興各思宣力效能以

星土展布尺寸於

聖世也臣蒙

覽奏深愜朕懷同寅和衷以扶持風俗人心乃第一好

殊恩拔擢共事一方必思有益於士習文風庶幾不愧

事互相勗勉期有成效

星土臣職訪知雲省人文以臨安爲最因先往考校遍

奏閱試卷解題動多舛錯文字類皆淺率詢之教官

及守令俱云邊方未有師傅士子一入學便已滿

願卽鄉會兩試皆就地取才竊謂如是亦足掇取

邊地

人士常情如是全在汝等有以振作鼓舞之也
科名更不復思精進臣身為學臣豈可任其荒棄

臣記幼年服習舉業看四書則以大全語類語錄
為宗看時文則以前輩歸有光黃洪憲黃淳耀等
為宗每日挨次看四書一二節即看此一二節書
中文字以印證書義如是兩年覺四書中凡一句
一字皆有著落行文亦自有意理今即以此刊一

是極

此舉最善

條約人給一通復責成各學教官督諸生每月計
報課程臣於考試時即就經報看過四書中出題
以驗其所報之虛實又滇俗生計艱難士子念切
身家未免不顧名行臣於條約中已極言義利之

防復令各教官確訪諸生中有務本砥行者卽親

造其廬奉宣

皇上敦崇實行

諭旨更加勉誨俟有實蹟著聞另行

題請臣於考校時亦就文另提一等以示崇獎其誤

入匪類者先令教官親往委曲開導使之痛自改

遇有怙終不悛者必重加戒飭賞罰勸懲不可稍偏並

悔至半年後再令郡縣守令查從前訓飭諸生果

用之方於事有濟

否改悔另行勸懲臣於雍正元年五月內親奉

訓旨特重人心風俗復於十二月三十日敬接

聖諭首及實行文風臣日夜縈心殫竭愚昧欲以此二

者隨時策勵扶進人文上報

好極

聖天子慎選學臣易俗移風至意茲因天南萬里不得
若能以心相照雖萬里猶如目前何隔閼之有勉之
躬侍

龍顏又不能特遣家人恭請

聖安敬用繕摺附督臣上陳仰希

睿鑒謹

奏

所奏知道了如此方不忝督學之職也

皇上提督雲南學政臣蔡嵩謹

奏臣於本年閏四月二十六日在曲靖考棚捧接

硃批諭旨

三

蔡嵩

皇上硃批奏摺卽設香案叩頭恭啓伏見我
皇上御筆輝煌凡關係緊要處俱分別

批示萬里之外洞悉情形臣一一謹誌伏讀

聖諭有云賞罰勸懲不可偏用真古帝王致治經邦之

大法臣仰體

諭旨凡有舉動必敬念遵依因思文章之事已經嚴限
課程逐時記報而士行尤宜慎重日夜躊躇特設
紀行循環簿發各府州縣官及各學教官公同稽
察諸生中有讀書自好及廢學驚外者逐一據實
填報臣乃得盡知諸生之行事隨其事之大小分

別勸懲臣自省至臨安至激江至曲靖沿途控告
秀才者紛紛自此簿行後至今三月有餘往來考
校處所呈詞漸已稀少臣以爲事屬偶然未敢遽
信目下方往西路考校再看沿途光景體訪情實
容臣據實詳

奏茲附督臣處恭繳

批摺并陳明近蹟仰懇

皇上睿裁訓示俾臣敬奉遵行謹

奏

好此教誡士子之良法也但須將教官選擇而用方有

實濟否則百弊隨生仍屬無益再汝前奏以黃淳耀爲
時文之宗朕一時忽畧看過此論當更加斟酌朕意殊
以爲不然

批附提督雲南學政臣蔡嵩謹

奏臣於雍正二年十二月十八日在永昌府考棚捧

接

皇上硃批奏摺跪讀欽此再查臣發光景豈肯誦實
聖諭仰見我皇臨事日赫少臣以爲事關體統未煩
皇上聖慮周詳洞見始末臣敢不倍加警惕凡各學教
官之曠職不謹者已於計典中填報其現在供職

者臣更加申飭教誠倘於諸生之優劣紀報不實
甚至賄囑徇情臣卽另疏叅劾不敢容隱又臣前
摺中陳明教士子看文之法有黃淳耀在內臣學
識短淺昧於簡擇蒙

皇上睿裁示戒仰見

聖學高深真無一不兼總條貫臣思前輩時文向稱王

此二臣文名固不待言但古人已往後人尚有偏私之

論何本朝如熊伯龍韓茨等爲時文模楷亦擬添入恭求

聖鑒欽定俾臣得凜遵廣勵臣自雍正二年九月中往

迤西考校至今三月初六日考畢回省見迤西士

風頗覺樸實第義利之辨未明則人心風俗之本

聖鑒不立臣惟於講解文義之外另加提命嚴行創懲

深為嘉悅勉之

本庶幾漸次改易以副我朝文憲恭奉

皇上憂勤致治之意所有奉到

御批理合恭繳謹不棄繇糾貫弘思前輩報文向無王

皇奏徵慈示妖附只

覽

上端致效相外簡對業

聖諭中刺問姦士千香文之武育黃郭獸在內且學

皇上特至韻韻師說也唱民紅案修不煩容烈文聖前

番引更吹申證姦矯辭試請主之對也孫時不實

硃批黃之雋奏摺

雍正三年八月十八日提督福建學政左春坊左

中允臣黃之雋謹

奏爲欽奉

上諭事臣准督臣覺羅滿保撫臣黃國材移准吏部咨

奉

上諭凡文武官員曾經面奉諭旨除不能記載外俱將

訓旨一一詳細將年月日一同繕寫進呈等因通行

到臣臣蒙

皇上特恩命臣提督福建學政於雍正元年十一月初

皇上二日恭請聖旨督師教學如故奏至元平太一月麻
聖訓蒙聖旨蒙於講解文義之外另加提命嚴行創修
召見養心殿精晷錄平月日一同錄寫並呈等因敕行
聖諭云汝學問好此去盡心辦事做官好朕知之不好
朕亦知之臣隨叩謝蒙

皇上重恩不次超擢臣惟竭盡臣職不敢纖毫苟且臣聖諭云非但不苟且凡地方上有所見聞可寫摺子奏來所奏之語切不要使人知務必謹密但不可因此挾制他人凡奏事摺可令家人齎進請安摺附督撫皆可福建路甚遠此去又有三年欽此臣字字銘心

叩首而出自到任至今歲試八府一州已竣臣見
閩省文武大吏皆由

皇上簡擇任用其人品行事皆在

宸衷洞鑒之內至於府縣各官臣就按試時所見邵武
府知府曹友夏清勤愛民漳州府知府耿國祚才
優辦事臣試汀州時署汀州府事同知李暉勤慎
有守試建寧時知府辦銅公出署建寧府事同知
任煥亦有才幹又如莆田知縣朱子瓏南靖知縣
彭璋長汀知縣趙煌俱謹慎晉江知縣葉祖烈勤
敏福安知縣傅植明亮至臣所經過縣分一宿而

去未能深悉就臣所見如此今奉嚴總令一旨而
上諭謹將前所請總數具奏勅旨下朕總令一旨而
訓旨繕寫恭呈下韓又收莆田朕總令一旨而
御覽因奉嚴總令一旨而
訓旨內令臣言所聞見謹連接繕寫固封遣家人齎進
呈上伏乞聖鑒謹奏

知道將前面諭之旨另具摺單開寫進呈

同日又出自陞升至今茲始入京

奏臣材質庸駑荷蒙

皇上簡任督學閩省

陛辭之日跪領

聖訓鏤心銘腑到任後復蒙

皇上拔置坊僚兩邀

寵擢感激無地伏念臣下之仰承

皇上如天之覆幬

皇上之知人善任如天之照臨無微不矚無遠弗届臣

今歲試已周謹將臣所已行者據實敷陳以仰求

訓誨臣自奉

硃批諭旨

三

黃之雋

命以來日念督學一職首在端學術以正人心而厚風
俗次及衡文以闡明聖賢之道邇見閩地負山襟
海形勢壯固土俗皆能治生兵民皆知畏法良由
聖德所暨者遠

聖化所洽者深是故文武協和兵民相安山陬僻壤素
稱刁悍之俗者亦皆率循至通省士子雖多向善
守法而其間越禮犯科者亦所在而有臣仰體

皇上教戒至意反覆開導刊布禁約累數千言頒行府
州縣學示以義利禍福已禁而仍犯者卽行褫革
奏悔過而自新者亦量予開復又於學宮行香講書

之時和氣正色令諸生旅進環立喻以

皇上崇儒育材廣取士之額舉孝廉之行嚴加等之法
有善必獎有惡必懲欠糧包訟萬萬不可又恐言
語未必盡通令教官以土音通告之繼蒙

欽頒

聖諭

廣訓

御製朋黨論卽選工敬刊分行各學令生童朝夕肄業
務使身體而力行之又聞爲宋儒理學之邦臣留
心採訪索其著述見諸生中有好學深思之士能

發明理道之奧者意其行誼必有可取容臣核實而獎薦之庶理學一途人知所勸至於衡文以制

義爲憑臣謂不讀五經則根柢不深不參宋儒則理解不的不讀古文則筆力不高不法先輩則家數不合而又非爲人深潛純粹有所實得則亦不能暢然而成章臣刊發條約以此立教校試臣蒙恩視學有造士之職苟非殫精竭誠何以上報聖主下酬夙志是以校試所至凡屬生童視如弟子法皇上嚴心慈手勤語複受任至今髮白眼昏而忘其勞瘁冀仰答

聖恩於萬一今將科試各府畧陳愚悃恭懇

聖慈再加

訓示俾臣益有所遵守以勉所未能不致有負

皇上重選使臣之至意臣謹

奏

百凡宜務實行不在文字語言間也至於頌聖諛詞朕
尤厭觀今此奏甚覺浮泛不切類斯等奏章嗣後竟可
不必朕實無暇披閱也

發明理道之與者意其行誼必有可取容並核實
而獎薦之庶理學一途人知所勸至於衡文以制
不必淵實無淵淵問也五經則根柢不深不參宋儒則
大淵擲今批表其說教致不似饒祺善奏章臨翁黃景
百凡宜茲寶許不弄文字盡言問也至外訟聖廟隔期
奏能暢然而成章上刊發條約以此立教校試臣蒙
皇上重選對聖之至意並勤精竭誠何以上報
瞻示軫軫益育頑叟安以煥祖未猶不姪育負弟子法
聖慈再賦慈乎勤語後受任至今髮自眼昏而忘其勞
聖恩效萬一今錄採煥谷刊畧刺愚陋恭懇





